

16935520
2115-091033

საქართველო



ნოვემბერი 1901

უფრონალ „ჯეჯილისა“

35

I მწუხარე კურდღლები (რუსულიდან)	3
II ორი კოლო (თარგმანი)	5
III ყმაწვილები და ჩიტი. პლეშჩევიდან—შ. მდემკეფისა	6
IV მამულის საყვარული. დე - ამიჩისისა. თარგმანი—ტ. კ - ლისა	8
V კრუხი და გუგული (თარგმანი)	13
VI მცენარე და მისი. ცხოვრება—ი. ჯამარტლისა	16
VII ლედი ჯენ, მოთხრობა, გაგრძელება—ეფ. წყნეთლი- სა	23
VIII თუთიყუში და ბელურა. თარგმანი	36
IX ქვის საუკუნის ბავშვები (დასასრული) — ეკ. მ - სს	39
X მეგობარი ამბავი—ქეთო საჩაფიშვილისა	47
XI ალალ-მართლობა (რუსულიდან)	57
XII ორი მზატვარი	58
XIII წერილმანი: ისტორიული აკროსტიხი, გამოცანები, ან- დაზები, ჩქარა-გამოსათქმელი, უჯრების ამოცანა, რებუ- სი და სხვ.	60



ქართული
ბიბლიოთეკა



საქმეაწვილო ნახატებიანი

ქურონალი

იზარდუ, მკვანე ჟივილო,
დამურდი, გხსდი უანო!..
ო. ჯ.

№ XI

წელიწადი მეტორაგებთ

ბუილინი

სტამბა ტ. შ. როტინიანცის, № 41 | Тип. Т. М. Ротинианца, Гол. пр. № 41
1901

Доволено цензурою. Тифлисъ, 20-го Ноября 1901 г.

მწესნარე კურდღლები.



კურდღლებმა ტყეში თავი მოიყარეს და გადაწყვიტეს: „რადგან ცხოვრება გაჭირდა, — ქვეყანაზე აღარ დაგვედგომებო!“.

— ყველა ჩვენ გვაშინებს: მონადირე კაცი, ტყის ნადირი, გარეული ფრინველი, — ყველა ჩვენ გვიჭირვებს საქმეს. მეტი გზა არ არი, ძმოზილეზო, უნდა თავი დავიხრჩოთ.

კურდღლებმა ასე გადაწყვიტეს და გაიქცნენ მახლობელ ტბისკენ. ამათ ხმაურობაზე ბაყაყებს შეეშინდათ და წყალში მოჰყვეს ნტუნვას და ყიყინს.

— ხედავთ, ძმოზილეზო, ბაყაყებს როგორ შეეშინდათ ჩვენი, მაშ ჩვენ ყველასი არა გვაშინებია, იმისთანებიც ყოფილან, რომელნიც ჩვენ გაგვირბიან. მაშ წყალში გადასაგდები არა ვყოფილვართ.

და კურდღლებმა მოიწადინეს ქვეყანაზე ცხოვრება. მასტკან, ლეთის მოწყალეებით, კურდღლები თავიანთთვის კარგათ ცხოვრობენ.

(რუსულიდან)



მ რ ი კ ო ლ მ.



რი კოლო მოფრინავდა: ერთი დიდი და ერთი
 პატარა. ნახეს გამაძლარი გლეხი, რომელიც
 გულადმა იწვა და ამოქნარებდა.

— რა ბედს წავაწუდი! დაიბზუა პატარა
 კოლომ,—კაი ხანია გლეხის სისხლი არ მისვამს!

და გაფრინდა გლეხისაკენ.

— მოიცა, ნუ ჩქარობ, უთხრა დიდმა კოლომ,—დეე,
 გლეხმა ჯერ კარგათ დაიძინოს.

— თქვენ, ხანძი შესულებმა, ხომ სულ აგრე იცით:
 «დაიცადეთ, ნუ ჩქარობთო»... თქვა პატარა კოლომ,—რა
 ბევრი ფიქრი უნდა. ერთბაშთ, მოულოდნელათ უნდა და-
 კეცეთ... ერთი, ორი!... აი, ასე, უუუურე!

და თავისი გრძელი სორთუჟი გლეხს ცხვირში ჩაურ-
 ჭო. გლეხმაც უფიქრელათ ცხვირში ერთი ისეთი ლაწანი
 გაირტყა, რომ კოლო იმ წამსვე გატყლიტა.

— აგრე მოგიხდება შენ, თქვა დიდმა კოლომ.—რომ
 ამბობდი: «რა ბევრი ფიქრი უნდაო» —მოგივიდა საკადრი-
 სი თუ არა! ეგეც შენი «ერთბაშთ დაკეცვიო».

თითონ-კი დაჯდა სის ტოტსე და დიდხანს ელოდებო-
და, სანამ გლეხმა ხერინვა არ ამოუშვა. ძერე ნელა-ნელა
მიფრინდა და ცოტა-ცოტა თავისი გრძელი ხორთუმი კი-
სერძი ჩაურჭო.

კოლო დიდხანს წოვდა გლეხის სისხლს და თან ფიქ-
რობდა: — ცოტა კიდევ! აი, კიდევ ცოტა და დაჯანებებ თავს,
— და კოლომ ვერ იგრძნო ჰროგორ სისხლით დამთვრალს
ჩაეძინა...

გლეხმა გვერდი იკვალა და კოლო გაიჭულიტა.

— ახია თქვენსე, ორივესე! თქვა ლოკოკინამ. — თქვე
წრინინებო, სისხლის მსძელებო! ნუ მოსწოვთ სხვის სისხლს
და არც თქვენ გაგსულეტენ.

(ჩუსულიდან)



უგანვილეგი და რიში.

(პლესჩევეისა).



რა გუენანება, ჩვენო ჩიტუნავ,
შენი სმა ტებილი, წკრიალა, წუნარი!
ნუ წასკალ ჩვენგან...—რა ვქნა გენაცვათ,
რომ არ ძაუენებს აქ წვიმა—ქარი!

აგერ, ხეებსე ტოლი ჩიტები
მელოდებიან ამხანაგებით...
თქვენ ისევ ტებილათ გემინებათ სვალ,
ჩვენ სამხრეთისკენ რომ გავფრინდებით.

ახლა იქ არც წვიმს და არცა ცივად,
მშვენიერია სულ ამინდები;

არც მუხე იმაღლავს იქ ღრუბლებში თავს...

--- ძამ ჩვენსკენ როს-და გადმოფრინდები!?

მე მოფრინდები ჭიკჭიკ-გალობით
თქვენთან, როდესაც გასაუხუდლებას;

როცა მინდვრებში დადნება თოვლი
და ძთის ნაკადიც ახმაურდება.

როს მზის სხივებით გამთბარი ველი
გამოცოცხლდება, აბიბინდება,
როს ეველს თქვენგანს წერა და კითხვა
გაბეჯითებით ეცოდინება.

შ. მღვიმელი.



გაგულის სიუპარული.

ამბავი ე. დე—ამიჩისისა.



ს ამბავი მოხდა იმ დროს, როდესაც იტალია ჯერ არ იყო ახლანდელით დაუმოკიდებელი სახელმწიფო. ის დაყოფილი პატარ-პატარა თემებათ ავსტრიას ემორჩილებოდა. იტალია გაანთავისუფლა ჯუზსევე გარიბალდიმ მეცხრამეტე საუკუნის პირველ ნახევარში. ჯუზსევე გარიბალდი დაიბადა 1807 წ. და გარდაიცვალა 1862 წელს. მთელი თავის სიცოცხლე მან სამშობლოს განთავისუფლებისთვის ბრძოლაში გაატარა.

იტალიელებმა ახლა თითქმის ყველა ქალაქში თითო ქუჩას იმის სახელი დაარქვეს, ძეგლები დაუდგეს. რაც უნდა ღარიბი იტალიელი იყოს, უეჭველათ გარიბალდის სურათი აქვს სახლში. ასე უხდინან იტალიელები მადლობას თავის ნამდილ გმირს და განმათავისუფლებელს!

ის იყო, გაზაფხული დადგა, როდესაც ჩვენ პატარა საზაზრო ქალაქში მოგვივიდა ცნობა გარიბალდის ახალი გამარჯვებისა. ისე გემი არ წაეიდოდა ჩვენგან, რომ თითო რაზმი მაინც გარიბალდისთან საშველათ არ გაგვესტუმრებინა. სკოლებში მასწავლებლები გა-

კეთილების დროს არ ასწავლიდენ და სულ გარიბალდის ქებაში იყენ. მე და ჩემმა ორმა ამხანაგმა, რომლებშიაც ერთი ექიმის შვილი იყო და მეორე მდიენის, გადაეწყვიტეთ, რომ ჩვენ გარიბალდისთვის



გარიბალდის ძეგლი

არისო. ორშაბათს მეორე გემი არის წასასვლელი გარიბალდისთან, შაბათს შემოდით და საგზაო ბილეთებს მოგცემთო“. როგორც იყო, გავატარეთ სამი დღე და მესამე დღეზე წავედით კანტორაში. უფროსმა თავის ჩვეულებრივი ზრდილობით მიგვიღო და გვითხრა:—

საჭირონი ვართ და ამიტომ უნდა საშველათ წავიდეთ. ჩვენ ქალაქში იყო დაარსებული იმ დროს საზოგადოება, რომელსაც გარიბალდისთან წასვლის მსურველთათვის ელათ ელა ფული მიეცა და გავგზავნა კიდევ. ჩვენ სამივენი წავედით იმ საზოგადოების უფროსთან და შევატყობინეთ ჩვენი მისვლის მიზეზი. მან ჯერ გვიჩიო, ნუ წახალთო, მაგრამ როდესაც დანახა, რომ ჩვენ ისევე ჩვენ სიტყვაზე ეიდექით, გვიპასუხა: „რა ექნა, შაბათს წასასვლელ გემზე ბილეთები სულ გაყიდულია, რამდენიმე დღე უნდა მოიცადოთ, მეტი გზა არ



„ყმაწვილებო, ვიცი გეწყინებათ, მაგრამ მეტი გზა არ არის უნდა უნდა დაიცადოთ. ორშაბათ წასასვლელი გემის ბილეთებო სრულე-ბით დაუტაცნიათ. თქვენთვის უნდა შეენახათ ბილეთები, მაგრამ დაეწყებათ. სამ დღეს შემდეგ შემოიარეთ, ენახოთ კიდეც, იქნება გიშოვოთ ბილეთებო“. ახლა ჩვენი მოცდა ძნელი იყო, თითო საათი თითქმის თითო წელიწადით გეჩვენებოდა. როგორც იყო, გავატარეთ პირველი დღე. ჩემმა ამხანაგმა, ექიმის შეილმა, თავისი ეჭვი გამოთქვა, „ი კანტორის უფროსი ჩვენ სულ ასე გვატარებს და უსათუოთ ბოლოს ჩვენ მშობლებს შეატყობინებს, რადგან ის კარგათ იცნობს ჩვენ დედ მამას“. ამ სიტყვებმა ჩვენ ძალიან გაგვაბრაზინა. ჩვენ შევარდით კანტორაში და გამოვაცხადეთ ჩვენი ეჭვი. იმან ზრდილობიანათ გვიბასუხა:

— ყმაწვილებო, თქვენი ეჭვი სულ მეტი არის, გამოდით ორშაბათს დილის სამ საათზე ნათ-სადგურზე, მე იქ ვიქნები და ბილეთებს მე თვითონ ვადმოქცემთ. გემი-კი დილის ოთხ საათზე წავაო.

გაქარებულები გამოეცვიდით კანტორიდან და გადავწყვიტეთ, დაგვეწერა მშობლებთან გამოსათხოვარი წერილი. მივირბინე დუქანში ქალაქს და კარანდაშის საყიდლოთ. როცა ყველაფერი მზათ გექონდა, შემოვეუსხედით იქვე გარეშე მო ერთ ქვას, რომელმაც იმ დროს მაკიდას მაგიერობა გაგვიწია, და დავეწერეთ სამივემ წერილი ერთი-და იგივე შინაარსსა: „ნახვამდის, ძვირფასო მშობლებო, სამშობლოს სიყვარული გეაძიულებს ჩვენ გარიბაღდისთან წასვლას, ილოცეთ ჩვენი მშვიდობიანათ ვადარჩენისთვის, ვაუმარჯოს გარიბაღდის!“ გავათავეთ თუ არა წერილი, შინისკენ გავქანდი, რომ ყველაფერი სამგზავროთ მომეშაადებინა. ჯერ საცელები ჩავალაგე, მერე აივანიდან, რომელიც ჩემი ოთახის წინ იყო, თოკი ჩაეუშვი ეზოში, ბოლოს ქუჩის კარის გასაღები ეზოს ყურისმგდებელის შეილს გამოვართვი. როდესაც ყველაფერი მოვამზადე, მაშინ ეახშმათ წავედი. მაგრამ ლუკმა ჩემ ყელში არ ჩადიოდა, სირცხვილით ვერავის ვერ შევხედე; ეახშამს შემდეგ დედა-ჩემს ძლივს ვუთხარი ჩვეულებრივი

საქართველო
საქართველო

„ღამე მშვიდობისა“ და მაშინვე ლოგინში ჩაეწეკი. მაგრამ ძილი არ შეკარებოდა, — ხან რა წარმომიდგებოდა თვალ წინ და ხან რა. მომეჩვენებოდა, როგორ მიდიოდენ იერიშით წითელი ხალათები *) და, აესტრიელები-კი გარბოდენ; ხან მუსიკის ხმა შემომესმებოდა... ამ დროს ეკლესიის საათმა სამჯერ დაჰკრა და მე თვალები გავაჭყიტე... მაგრამ ეს რა ვნახე... ჩემი ოთახი განათებული იყო, თავზე დედა ჩემი მადგა.

— მე ვიღამაც მილალატა, დავიყვირე და ხელი ტანისამოსს წამოვავლე, რომ მაინც როგორმე გავქცეულიყავი. ამ სიტყვებზე დედა ჩემმა ტბილათ მითხრა:

— დამშვიდდი შეილო, შენ აღარ წახვალ.

— ამხანაგები მიცდიან, დედა, არ შეიძლება, უნდა წავიდე.

— არა, შეილო, მიპასუხა ალერსით დედამ, შენ ამხანაგები აღარ გიცდიან. კანტორის უფროსს არ უნდოდა თქვენი წახვლა ჩვენ უნებურათ და ჩვენ შეგვატყობინა. შენ ამხანაგებსაც ახლა თავისი მშობლები აღარ გაუშვებენ. ნუ გეშინია, კიდევ მოესწრები გარიბალდისთან ყოფნას. ჯერ კიდევ ბევრჯერ მოიწვევს გარიბალდი ახალგაზღვობას საომრათ. შენ მაშინ დიდი იქნები, და მე სიამონებით გაგიშვებ. ვანა მე კი არ მიძგერს სამშობლოსთვის გული, ამაყათ წარმოთქვა დედა ჩემმა—ახლა გარიბალდი რომ აქ ყოფილიყო, ისიც დამეთანხმებოდა. რომ იცოდე, იმას როგორ უყვარს თავის დედა, აღარას იწყენ ჩემგან! იცი, რომ ჩემდა უნებურათ მოვიქეცი ასე?

ამ დედიჩემის სიტყვებმა გული მომიღვს და ცრემლები გამოჩნდენ ჩემ თვალებზე.

— კარგი, ახლა დაწეკი და დაიძინე.

ნაშუადღევის ორი საათი იქნებოდა. გაეხედე ფანჯარაში და თითქო სილა შემომკრეს, ისე ამენტო სახე. აივანიდან ჩაშ-

*) გაჩივრების შემთხვევაში ჩვეულებრივ წითელი ხალათები ეცვათ.

ეგული თოკის წინ მოგროვილიყვენ მთელი ეზოს მზარკულები, ქუჩის ბიჭები და რალაც ქურდობაზე ლაპარაკობდენ, რომელიც ვითომ იმ თოკის საშუალებით მომხდარიყო. ამ წამს ეს თოკი ისეთი საზიზღრათ მომეჩვენა, რომ ჩემი სირცხვილისგან გაწითლებული სახე საბან ქვეშ დაემაღე. ამ შემთხვევას შემდეგ, როცა ვისმე უნებურათ წამოცდებოდა ის საშინელი 4 ასო: თ-ო-კ-ი, მე მაშინვე ამოეწითლდებოდი და ხელებს მიეიფარებდა სახეზე.

ტ. კ—ლი.



კრუსი და გუგული.



სეს კამკაში გააქვს. ესოში კრუსი დადის, მის გვერდით სოვი ახლოს და სოვი მოძორებით ჰატარა უვითელი წიწილები დარბიან. კრუსი ერთ ამბავშია: ხან აქეთ ეცემა, ხან იქით, ცდილობს წიწილები გვერდით შეკრიბოს, რომ არაფერს წაართვას.

აი გამონსდა ჰატარა დარო, მიწასე ხის ჭურჭელი დადგა, შიგ კვერცხის გული ჩაჭრილი იყო, აქვე გვერდით რძე მოუდგა და კრუს-წიწილებს დაუწყო მახილი.

— წიაგ! წიაგ! წიაგ! წიწილებო!

კრუსი თავისი წიწილებით კრიხსით მიუახლოვდა. წი-



წილები ჭამენ და სვამენ, დედ-კრუსი კარს უტრიალებს, ზოგჯერ თითონაც მარცვალს აკენკავს.

კრუსმა შვილები რომ გამოაძლო, ღობესთან მიჰდა და თავისი წიწილები ფრთებ ქვეშ ამოისხა. ისინი, ჰატარა ბავშვებით, სიბილით დაიღაღენ, მოიქნცენ, უნდა ახლა დაეხვენათ.

ღობის იქით, მღალა ნამკის სესე, გუგული იჯდა მოწუენილი უსაქობით და ღროს გასატარებლათ დაუწყო კრუსს ლაპარაკი:

— მიკვირს ღმერთმანი, ასე მთელი დღე როგორ არ მოგწუენდება სულ მაგ წიწილებს რომ დანდევ!

— რა მოსაწუენია, უპასუხა ქათამმა, ზირ-იქით მე ძალიან მოხარული ვარ, რომ შევცქერი ჩემ შვილებს! მესიამოვნება როდესაც ისინი დარბიან და ცელქობენ ჩემ გვერდით. განა შვილები შენ-კი არა გეავს? ჰკითხა მან გუგულს.

— რასაკვირველია მეავს; მაგრამ მე იმათ არც ვხედავ და არც უურს ვუცდებ. შვილების მოვლა ძნელიც უნდა იყოს და არც სასიამოვნოა. კვერცხების გამოჩევა ჩვეულებათ არა მარტო. მე მას სხვის ბუდეში ვდებ. ჩემი ძმობილი ფრინველები გამოჩევენ სოლმე ჩემ შვილებს და ისინივე სრდიან, მე უსრუნველათ, მარტო, ვცხოვრობ.

— ამიტომაც ხართ უოველთვის აგრე მოწუენილი! უთხრა კრუსმა. რადგან თქვენ სასრუნველი არა გიქვით-რა, ამი-

ტომ სინაზულიც არ იცით. ეოკელთვის მარტოობა მოწვე-
ნილობას გამოიწვევს.


გუგული ჩაფიქრდა.

წიწილებმა გაიღვიძეს და ესოში იწვეს სირბილი. დე-
და-კრუსი უკან გაჭევა, საჭმლის ძებნას ასწავლიდა. მათ
წივ-წივს უურს უგდებდა, მათი ლანაზიკი ესმოდა და კრიბ-
ხით ჰასუსს აძლედა.

გუგული დიდ ხანს შეცქეროდა ამ დედა-შვილებს. ამა-
საც მოუნდა შვილებზე სრუნვა, მაგრამ მას ისინი არ გა-
ანხდა. მისი შვილები იმ ფრინველისა იყო, რომელიც გა-
მოჩეკდა და დედაობას გაუწევდა.

გუგული მეორე ხესე გადაფრინდა და ნადვლიანი ხმით
დაძახა. მერე თითქოს დარდი გადაეყარა, გაფრინდა შორს,
შორს ტემში.

(რუსულიდან)



მხანარა და მისი სხოვრება.



ორსად არ გინახავს, ჩემო პატარა მკითხველო, ას წლოვანი მუხა? ხნოვანებას მისი სქელი და დანაოჭებული ქერქი ხავსთა და კორხლებით შეუმოსავს; სხვილი ტოტები აქა-იქ ზედვე შეხმობიან და საბრალოთ გამოიციკირებიან სქლათ შეფოთლილ ახალგაზდა შტოებ შორის, მაგრამ ბევრის მომსწრე მუხა მაინც მედიდურათ არხევს თავის ტანს და ამაყათ გადმოჩერებია თავის გარშემო ამოსულ წვრილ და პატარა ხეებს. ამოდენა მუხასთან შედარებით ერთი ცახე და საბრალო არსებათ გიგრძენია შენი თავი, ჩემო მკითხველო, მაგრამ ამ დროს გულის ამაყათ ამოუძახნია: ეს ამოდენა ხე ჩემთან შედარებით არარაობაა, — მე სადაც მინდა, იქ წავალ, ეს-კი სულ ერთ ალაგას არის გაჩერებული; სიცხის, სიცივის, წვიმის მე არ მეშინია, ამას-კი ზაუხულში სიცხე უჭირვებს საქმეს, ზამთარში

ყინვა, წვიმა და სეტყვა ხომ არ აცდებიან ამას; მე ეცოცხლობ, ეხარობ, ესევამ, ეკამ, — ეს კი საცოდავთ არის აყუყული და ცას შეჩერებია მარტოვო. მართლაც რა შედარებაა პირველის შეხედვით ადამიანსა და მუხას, ან სხვა რომელიმე ხეს შორის! ხე უსულო საგანია, რომელიც მხოლოდ შეშათ არის კარგი, ადამიანი-კი ცოც-

ხალი არსება, რომლის ტანი მთელ ფაბრიკას წარმოადგენს. მაგრამ თუ კარგათ ჩაუყუვირდებით მცენარეს, შევისწავლით მას, დაინახეთ, ჭაომ ის ძალიან ბევრში ჰგავს საზოგადოთ ცხოველს. მეცნიერებამ დაამტკიცა, რომ ყოველგვარი მცენარე, ას წლოვანი მუხა იქნება ის, თუ რამოდენიმე დღის უბრალო მინდვრის ბაღახი, ცოცხალი არსებაა ისე, როგორც ადამიანი, შინაური ოთხფეხი და სხვ.; მცენარე იზადება ისე, როგორც ყოველი ცხოველი, იზრდება, მრავლდება და კვდება; მცენარე საზრდოობს და სუნთქავს, ისე როგორც ჩვენ. მართალია, მას არც პირი გააჩნია, არც ფილტვები, მაგრამ პირისა და ფილტვების დანიშნულებას ასრულებენ მცენარის სხვა ნაწილები, რომლებსაც ჩვენ ქვევით გავიცნობთ.

ყოველი ცხოველი იზადება პატარა, იწყებს საზრდოობას, მიღებული საზრდოდან ის იშენებს თავის საკუთარ ნაწილებს ანუ მიღებული საკმეელი იმის ტანს ემატება, როგორც ხალხი იტყვის ხოლმე, ზამგვარათ ცხოველი ნელ-ნელა იზრდება. იგივე ემართება მიწიდან ახლათ ამომძვრალ მცენარეს. არ გინახავს ბოსტანში ახალ გამოზაფხულზე პატარა ატმები როგორ ამოყოფენ ხოლმე მიწიდან თავს? შემოდგომაზე ატმის კურკა გაღუგლიათ ბოსტანში. მიწის სითბოს შემწეობით ატმის კურკა გაღოჯილა და ამოსულა პატარა ატმის ხე. ეს პატარა ატამი მიწიდან და ჰაერიდან საზრდოს იღებს თავისი ფესვებისა და ფოთლების შემწეობით, ეს საზრდო მას ემატება, ისიც თანდა-თან იზრდება და რამოდენიმე წელიწადში იმხელა ატმის ხეთ იქცევა, რომ ერთ მშენიერ დღეს შენც თამამათ შეხვალ ზედ ატმის მოსაკრეფათ. აქედან აშკარაა, რომ როგორც მცენარის აგებულება, ისე მისი ცხოვრება არც ისე უბრალოა, როგორც პირველის შეხედვით გვეჩვენება.

მცენარეების შესწავლას უძველეს დროს შეუდგენ. ჯერ ქრისტე არ ყოფილა დაბადებული, როდესაც საბერძნეთში ცხოვრობდა გამოჩენილი მეცნიერი არისტოტელი, რომელმაც ბევრი გამოკვლე-



ვა დატოვა მცენარეთა აგებულებისა და ცხოვრების შესახებ. მას აქეთ ამ საგანს სულ იკვლევდნ სხვა-და-სხვა პირები, მაგრამ მცენარის შესწავლამ მხოლოდ ჩენს დროში, მეცხრამეტე საუკუნეში, წაიწია შესამჩნევად წინ. დღეს არსებობს მთელი მეცნიერება, რომელიც იკვლევს მცენარესა და იმის ცხოვრებას; ამ მეცნიერებას ეწოდება ბოტანიკა.

მცენარეთა სამეფო ვრცელი და მრავალ-ფეროვანია. მინდვრებში ათასნაირი ბალახებითა და ყვავილებით არის შემკული, ტყეებში და მთებში სხვა-და-სხვაგვარი ხეები ხარობენ, წყალშიც-კი გაუკეთებია სხვა და-სხვა ბალახს თავისი სამყოფი ბინა; ერთის მხრით პატარა სოკო, რომლითაც ჩვენ ხშირად პირს ჩაეგემრიელებთ ხალმე, და მეორე მხრით დიდი მუხა, რომლის სიცოცხლეშიც მისი ჩრდილით ვტყბებით, საკედლის შემდეგ-კი შემათ ვაქცევთ, ან სახლის ასაშენებელ მასალათ, ერთის მხრით ლამაზი ია, მეორე მხრით უშნო ხაფი, — ყველა ესენი მცენარეს წარმოადგენენ და ამიტომ მცენარეთა სამეფოს ეკუთვნიან. როგორც ყოველისფერი დედამიწის ზურგზე, ისე მცენარეთა სამეფოც ნელა-ნელა იცვლება. რამოდენიმე მილიონი წლის წინეთ ჩვენი დედამიწა მზესავეთ გახურებული იყო. მიწა, ლითონები — ერთი სიტყვით ყველა ის ნივთიერება, რომლისგანაც ჩვენი დედამიწა შედგება, მაშინ აღუღებული იყო, და ამიტომ რასაკვირველია, დედამიწაზე არაერთარი სიცოცხლე არა ყოფილა, — არც არაერთარი ცხოველი ცხოვრებდა, არც რაიმე მცენარე ხარობდა. მიდიოდნ წლები და ჩვენი დედამიწა ნელა-ნელა ცივდებოდა, აღუღებული ნივთიერება თან-და თან სქელდებოდა. ბოლოს, როდესაც დედამიწა იმდენათ გაცივდა, რომ მას კანი გაუმავრდა და წყალმა ზღვებში, ტბებში და მდინარეებში მოიყარა თავი, დედამიწაზე ნელა ნელა გაჩნდა სიცოცხლე, ხოლო პირველი ცოცხალი არსებანი მეცნიერების აზრით იყენ მცენარენი. ჯერ ბალახეულობა გაჩნდა, შემდეგ ხეები, მაგრამ უწინდელი მცენარეულობა ახლანდელს სრულებით არა ჰგავდა. მრავალი წლების განმავლობაში მცე-

საქართველოს
საგარეო ურთიერთობების
მინისტროს ბიბლიოთეკა

ნარეთა სამეფო იცვლებოდა, ზოგი მცენარე სრულებით მოიპარა, ზოგი სრულებით გადასხეაფერდა და ამგვარათ ნელა-ნელა განვითარდა ისეთი მცენარეულობა, როგორც დღეს არსებობს დედამიწის ზურგზე. დღევანდელი მცენარეულობაც იცვლება ნელა-ნელა და, რამოდენიმე ათი ათასი წელიწადი რომ გაივლის, მაშინ მცენარეთა სამეფო უტყველია, იმგვარი აღარ იქნება, როგორც დღეს არის.

ყოველი ცოცხალი არსების ორ უმთავრეს თვისებას შეადგენს საზრდოობა და გამრავლება. რადგანაც მცენარე კიდევ საზრდოობს და კიდევ მრავლდება, ამიტომ მცენარეც ცოცხალი არსება არის. იმის მიხედვით, თუ როგორ და რა გზით შოვილობს მცენარე საზღოს, მცენარეთა სამეფო ჩვენ შეგვიძლია დაეყოთ ორ დიდ ნაწილად; პირველ ნაწილს შეადგენენ ისეთი მცენარენი, რომლებიც თავისი საკუთარი შრომითა ცხოვრობენ,—მათ მიწაში გადგმული აქვთ ფესვები, ფესვები მიწიდან ისებამენ წყალსა და მასში გამდნარ სხვა-და-სხვა ნივთიერებას, ყოველივე ეს ფესვებიდან აღის ზევით და იფანტება მცენარის სხვა-და-სხვა ნაწილებში; ფოთლების შემწვობით კი მცენარე ისებამს ანუ ისუნთქავს ჰაერს, მზის სითბოს და ამგვარათ ის საზრდოობს. მეორე ნაწილს შეადგენენ ისეთი მცენარენი, რომლებიც თავისი სიზარმაცისა გამო ნამდვილი მუქთა ხორები არიან, იმათ გარჯა და შრომა არ უყვართ, მზამზარეულათ მირთმეულს-კი მშვენიერათ გაიხლებიან! დაასკუბდებიან რომელიმე ხეს და წოვენ მას საზრდოს! ამგვარათ ხე შრომობს, ფესვებს აქეთ-იქით გზავნის მიწაში, რომ როგორმე საზრდო იშოვნოს, მისი შრომით შეძენილ საზრდოს-კი სხვა შეექცევა. ასეთი მცენარენი არიან ხის სოკო, ფითრი და სხე. არ გინახავს ტყეში წიფელას ქერქზე ამოსული პატარა სოკო? ის იმდენათ გამჟქნარია და ისე პატარა, რომ ვერც-კი შეამჩნევს ადამიანი, მაგრამ ნელა-ნელა ჩაუყრის თავის პატარა ფესვებს წიფელას კანში, ამოწუნწუნის იქიდან საზრდოს, და თან-და თან იზრდება, გაიშლება, გაიზარდნება და ერთი-ორი კვირის შემდეგ გარშემო შემოედება მთელ წიფელას. მაგრამ წი-



ფელა დიდი ხეა, სოკო მას ვერ დაჩაგრავს და ვერაფერს აენებს. სულ სხეა ფითრი, რომელსაც განსაკუთრებით უყვარს მსხლის ხე. თუ-კი ერთხელეე მიეკრო მსხლის ქერქს ფითრი, ჩამოდენიმე წელიწადში გაიზრდება, მოელ მსხალს შემოედება გარშემო, გამოაცლის მას საზრდოს, მსხალი ვეღარ შეძლებს, თავის თავიც არჩინოს და ამოდენა ფითრიც, და ამის გამო თან-და-თან ილევა, ფოთლები უპატარავდება, ნაყოფს ვეღარ რსხამს რიგიანათ, ტოტები უხმება და ხშირათ მთელი მსხალი ესალმება წუთი სოფელს და ხმება.

სანამ განვიხილავდეთ უფრო დაწერალებით მცენარის საზრდობას, თვალი გადავავლოთ მცენარის აგებულებას. ყოველი მცენარე, როგორც ყველა სხეა ცხოველები და მათ შორის ადამიანიც, შედგება პატარ-პატარა ნაწილებისაგან, რომლებსაც უწოდებენ უჯრედებს. მცენარის რომელიმე ნაწილი რომ აიღოთ, ამ უჯრედებს ვერ დაინახავთ; ხოლო თუ მცენარეს თხლათ აჭრით პატარა ნაწილს და გასინჯავთ მიკროსკოპში, რომელიც მას ჩამოდენიმე ასი ზომით უფრო დიდათ დაგანახებს, მაშინ თქვენ აშკარათ შეამჩნევთ, რომ მცენარე, დაყოფილია, როგორც ბადე, პატარა ნაწილებათ; თვითეულ ნაწილს ჰქვია უჯრედი. უჯრედს გარედან აქვს კანი, ზოგს თხელი, ზოგს კი ძალიან სქელი. შიგნით-კი უჯრედი შეიცავს სითხეს—წბოლს. ზოგ უჯრედში წბოლი ბევრია, ზოგში ძალიან ცოტა, ზოგი-კი სრულებით გამომშრალია, როგორც მავალითათ ხის ქერქის უჯრედები. ამ წბოლში დაცურავენ სხეა-და-სხეა რგვალი მარცვლები: კრახმალის მარცვლები, ქლოროფილს და სხე. კრახმალის მარცვლები ძალიან ბევრია განსაკუთრებით კართოფილში, ქერში, პურში და სხე. კრახმალი შეადგენს მცენარის საზრდოს. ქლოროფილი აძლევს მცენარეს მწვანე ფერს; მას ძალიან დიდი მნიშვნელობა აქვს მცენარისათვის: ქლოროფილის შემწევობით მცენარე ფესვებისა და ფოთლების შემწევობით მიღებულნი საზრდოდან ამზადებს შაქარს, კრახმალს და ამგვარათ ასაზრდოებს თავის

თავს. უჯრედების წბოლში არის აგრეთვე ზეთი; ზოგიერთი მცენარე უფრო მდიდარია ზეთით, ზოგი-კი ღარიბი.

ზოგი მცენარე მხოლოდ ცალი უჯრედისაგან შედგება, მაგრამ ამგვარ მცენარეთა რიცხვი ცოტაა, მცენარეთა უმეტესობა-კი წარმოადგენს ურიცხვი უჯრედების კრებულს ისე, როგორც ადამიანი. როდესაც მრავალი უჯრედები ერთად არიან შეერთებული, ამას უწოდებენ ქსოვილს. ამგვარად მცენარე შედგება ბევრი სხეა და სხვა ქსოვილებისაგან. თვითეულ ქსოვილს თავისი საკუთარი დანიშნულება აქვს და ამიტომ მცენარეშიაც შრომა ისეა განაწილებული, როგორც ადამიანის აგებულებაში. ჩვენ ვიცით, რომ ადამიანის ტანში კუჭის დანიშნულება—საჭმლის მოწეობაა, გულისა—სისხლის ბრუნვა, ფილტვებისა—ჰაერიდან მჟავადის მიღება, ჭაჭებისა ანუ თირკმელებისა—სისხლის გაწმენდა და სხვ. აგრეთვე მცენარეშიაც სხვა-და-სხვა ქსოვილებს სხვა და სხვა საქმის ასრულება ადევს ეალათ, რასაც ახლად დაეინახათ. ყველა მცენარის ფესვების და ტოტების ბოლოებში არის სანაშენო ქსოვილი; ამ ქსოვილის უჯრედები შეუჩერებლად მრავლდებიან და ეს იწვევს მცენარის გაზრდას და გასხვილებას. მცენარის ყოველ ნაწილში და განსაკუთრებით ფოთლებში არის ქლოროფილიანი ქსოვილი. ბევრ მცენარეს აქვს აგრეთვე სათადარიგო ქსოვილი, სადაც გროვდება კრახმალი, ზეთი და სხვ., რაც საჭიროა თვით მცენარის საზრდოობისათვის.


ბევრ მცენარეს აქვს აგრეთვე ერთგვარი ქსოვილი, რომელიც მას სიმკვარეს აძლევს და გარეშე მტრისაგან იფარავს, მაგალითათ, ხის ქერქი, კაკლისა და თხილის ნაჭუჭი, წაბლის კანი და სხვ. ყოველ მცენარეს აქვს აგრეთვე მიღებიანი ქსოვილი, რომელიც შედგება მრავალი წვრილი მილებისაგან. ეს მილები განიყოფებიან ორ ნაწილად. პირველი ნაწილის მილები მცენარის ფესვებიდან მოყოლებული მიდიან ფოთლებისაკენ. მცენარის ფესვები ისეა მნიშვნიდან წყალს, რომელშიაც გამდნარია სხვა-და-სხვა ნივთიერება; ეს წყალი ნელა-ნელა ადის მილებში და ვადადის მცენარის ფოთლებ-



ში. ფოთლებში ძალიან ბევრია ქლოროფილი, რომელიც იკრფავს მზის სითბოს. სითბოს შემწვობით ქლოროფილი ინელებს ფესვებიდან წყალთან ერთად მიღებულ ნივთიერებას, წყალი ორთქლად იქცევა სითბოს წყალობით და ჰაერში გადაეა, სხვა-და-სხვა ნივთიერება-კი, რაც მასში იყო გამდნარი, ფოთლებში დარჩება, გადიქცევა შაქრად, კრახმალად და სხვ მასაზრდოებელ მასალად. ფოთლებიდან იწყება მეორე გვარი მიღები, რომლებიც იფანტებიან მცენარის ყველა ნაწილებში და ამ მიღებით საზრდო ფოთლებიდან მიუღის მცენარის ყოველ ნაწილს. აქედან ცხადია, რომ მცენარის აგებულება ბევრში ჰგავს ადამიანის აგებულებას. ფესვები ასრულებენ პირისა და ხელების მოვალეობას, მიღები — სისხლის ძარღვებისას, წყალი, რომელსაც ფესვები მიწიდან ისვამენ — სისხლის დანიშნულებას, წყალში გაქნილი ნივთიერებანი — საზრდოსას და ფოთლების დანიშნულება იმგვარივეა, რაც ადამიანის კუჭის და აგრეთვე ფილტვების.

o. გამარჯობი.

(შემდეგი იქნება)



ლედი ჯენ.

(ჯემისონის მოთხრობა)

XIX

მძროს საათი.



რთ დილას, როდესაც დეიდა მოდი თავის სარძევე ოთახში იჯდა და კარაქს ამზადებდა, კარი შემოაღო პეშუმ, დაუდგა ცოლს წინ ქალაღში გახეული რაღაც პატარა საგანი და უთხრა, გახსენიო.

— ახლავე, მხოლოდ ხელს წაეიბან! — ღიმილით მიუგო დეიდა მოდიმ. პეშუმ ცოტა მოიცადა, მერე თვითონვე გახსნა ქალაღი და აჩვენა ცოლს მშვენიერი პატარა ოქროს საათი გრძელ ოქროსავე ძეწკვზე ჩამოკიდებული.

დეიდა მოდი გაშტერდა.

— სად იშოვე ეს მშვენიერება? — აღტაცებით წამოიძახა მან, სტაცა ხელი საათს და ყურადღებით დაუწყო მას თვალიერება. საათი ლურჯი ემალით იყო მორთული. მის ცალ გვერდზე დახატული



იყო ლამაზი შტო ბრილიანტის კუნწალით, მეორეზე-კი ხელოვნურ
რათ იყო ამოჭრილი ორი ასო, ჯ. და ჩ.

— ჯ. და ჩ. — გაკვირვებით წაილაპარაკა დეიდა მოდიმ. — ეს ასოები ხომ პატარა ლედი ჯენის საცელებს აწერია! პეშუ! — უცებ მიუბრუნდა ის ქმარს. — სად აშოგე ეს საათი? ვისია?

— ვისია და ჩემი! — სიცილით მიუგო პეშუმ.

ცოლმა გაკვირვებით შეხედა. ეტყობოდა, რომ არ ჯეროდა.

— გეუბნები, რომ ჩემია! — გაუმეორა ქმარმა. — ეს არის, ვი-
ციდე!

— საკვირველია! ასეთი ლამაზი საათი იყიდე — და უყუთოთ, ქალაქში გახეული! სად იყიდე?

— პოლიციის სასამართლოში!

— პოლიციის სასამართლოში! — კიდევ უფრო გაუკვირდა დე-
და მოდის. — მერე ვისგან?

— რასტ ქოზენისაგან.

რამდენსამე წამს დეიდა მოდი დაკვირვებით უყურებდა ქმარს,
მერე უეცრათ წამოიძახა:

— ჰოა! ხომ გეუბნებოდი!

— რას მეუბნებოდი? — ღიმილით ჰკითხა ქმარმა.

— რას და იმას, რომ ყველა ნივთები, რომლებსაც ჯ. და ჩ. აწერია, რასაკვირველია, ეს საათიც, მოპარულია! ყველა ეს ეკუთვნის ჯენს. . და ჯენი ქოზენის ნათესავი არ არის.

— ფრთხილათ, მოდი, ფრთხილათ!

— რაღა ფრთხილათ! უთუოთ უმიზეზოთ არ იქნებოდა რასტი პოლიციის სასამართლოში!

— ის დაიჭირეს, რადგან ქურდობა დაწამეს... მაგრამ მისი და-
ნაშაულობა დამტკიცებული არ არის.

— ამ საათის მოპარვა დაწამეს?

— არა, სხვა ქურდობა, მაგრამ ეს საათი რომ ზედ ჰქონდა, ამასაც
მაქციეს ყურადღება. საკვირველია, რომ სწორეთ მე ვიგდე ხელში.

ეს ლამაზი ნივთი! შემთხვევით გამოვიარე სასამართლოსთან. ეხედავ — დამნაშავეთა შორის რასტიც ზის. შევიარე გასაგებათ, რატომ დაიჭირეს. მითხრა: ამას წინეთ რომ ქურდებმა ოქრომჭედლების მალაზიები გაცარცვეს — მეც მათ ამხანაგობას მწამებნო. თურმე უკითხავსთ მისთვის, ეს ქალის საათი საიდან გაქვსო, იმას უპასუხნია, ერთმა ჩემმა ნათესაგმა ქალმა, სიკვდილს შემდეგ, დედა ჩემს დაუტოვა, დედამ-კი მე მაჩუქაო. — რა ერქვა სახელათ თქვენ ნათესავ ქალსაო? — ჰკითხეს. — ჩარლი ჯოჯინია! — ურცხვათ უპასუხა.

— მერე? ვერაფრით ვერ გამოიძიეს, საიდან იშოვა საათი?

— ეერა! მაგრამ მაინც მსაჯულმა ერთი თვით სატუსალოში დაბატონრება გადაუწყვიტა.

— მარტო ერთი თვით! — წყენით წამოიძახა დედა მოლმე.

— გეუბნებიან, რომ ვერ დაუმტკიცეს დანაშაულობა! — მიუგო პეშუმ. — ისიც კარგია, რომ ერთ თვეს მაინც იჯდომება! ახლა ყური დამიგდე, საათი როგორ ვიყიდე. დგას რასტი სასამართლოს ეზოში და სხვა ტუსალებს ელაპარაკება. მესმის — რალაცაზე ვაქრობენ. ერთი 50 დოლლარს *) აძლევს. — ვინ გგონივარო? — შემოაუძახა რასტმა. — ფული-კი მჭირდება, მაგრამ არც ისე სულელი ვარ, რომ ასეთი საათი მაგ უასათ მოგცეო. მეორემ 60 დოლლარი შეაძლია. რასტმა არც ის აიღო. აქ მე მიეუახლოვდი. — ერთი მანახეთ ეგ საათი, იქნება მე ვიყიდო-თქო! — ეუთხარი დაშვიდებით, მეშინოდა, არ შეენიშნა, რომ ძალიან მინდოდა საათის ხელში ჩაგდება. მომცა; დავათვალიერე; არა უშავს-რა-თქო, ეუთხარი და 75 დოლლარი შეეაძლიე. — ოჰო, კაი ეშმაკი ყოფილხართო! — მითხრა. ცოტა მოვიცადე და გადაწყვეტით გამოეუტხადე, 90 დოლლარს მოგცემ-თქო, თან ქისა ამოვიღე და ფულებს თელა დაეუწყე. ამან იმოქმედა, მაშინვე დათანხმდა. რასაკვირველია, სხვა დროს მოპართულ ნივთს არაფრის გულისთვის არ ვიყიდდი... მაგრამ ახლა ჩვენი პატარა ჯენი მყავდა სახეში და მი-

*) დოლლარი — 2 მანეთია.



ქართული
საბჭოთაო

ტომ ჩაედიწე ეს საქმე. ეინ იცის, იქნება ერთ დროს რითიმე გეშეელოს იმ ბნელის გაუანტეა, რომელშიაც ბაეშის წარსულია გახეეულო... თუ არა-და ის ფული, რასაც ამაში ამოიგებს ადამიანი, ყოველთვის გამოადგება ჯენს!

— მართალია, პეშუ!— დაეთანხმა ცოლი.— 90 დოლლარი ჩენთვის ძალიან დასაკლისია, მაგრამ თუ ჯენს მაგ საათის ყიღეა რასმე წაეხმარება— მე ფული არ დამენანება!

ერთ ხანს დეიდა მოდი დაკვირვებით დაჩერებოდა საათს, მერე უეცრათ წამოიძახა:

— ოჰ, ნეტაეი ლაპარაკი შეეძლოს!

— მოიცადე და ეინ იცის, იქნება კიდეც ავლაპარაკოთ!— მიუგო პეშუმ.

— ბეერი რამე-კი ექნება სათქმელი, ენა რომ ჰქონდეს!— თქვა ისეე დეიდა მოდიმ.— რაც უნდა იყოს, მე ძალიან კმაყოფილი ვარ, რომ ეს საათი ჩენ ხელში ჩაეარდა.

პეშუმ გამოართვა საათი, გახსნა და სახურავის შიგნითა ნაწილზე რალაც აჩენა.

— აი, ეს მიგვაგნებინებს კვალს!— კმაყოფილებით უთხრა მან.— ახლა-კი შეინახე ეს საათი და ნურავის, მადელონსაც-კი, ნუ ეტყვი, რომ მე ევ ვიყიდე. ჟოზენს-კი თეაღყური ადეენე...

— რას გაუგებ, ისეთი ეშმაკია, რომ ევრაფერს ეერ შეატყობ!— გულ-მოსულათ მიუგო ცოლმა.

— მინც... იქნება რამეში დავიჭიროთ!

— საწყალი პატარა ჯენი! ამოიხზრა დეიდა მოდიმ.— ძალიან ტკბილი არ უნდა იყოს მისი ცხოვრება იმ კაპას ჟოზენთან! ერთ სიტყეასაც არაოდეს არ იტყვის თაეის „დეიდა პოლინაზე“, მაგრამ მე მინც ენედაე, რაშიაც არის საქმე! სხეა ქალი ძაღლს უფრო მოუეღის, ეიდრე ჟოზენი იმ ბაეშს! საწყალი პატარა, ისე გახდა, ისე გაყეითლდა ამ უკანასკნელ დროს! მადელონი და პეპსი რომ არა და ქალბატონი დიანაც— სულ დაქ-

ლექდებოდა უბედური! მე რომ მადლონს რძეს ეუზნენი — ის შეგლის კიდვე! პეპსი სულ აღარ სვამს, ჯენს მეტი დარჩესო!

— რატომ არ მოგყავს ხოლმე ჩვენთან? — შეეკითხა ქმარი, — ჩვენ ბავშვებთან ითამაშებდა... მოვლა ხომ არაფერი უნდა... პატარა ჩიტსავით არის...

— მეც-კი მინდა, რომ ეატარო ჩვენსას, მაგრამ ჟოზენი არ უშვებს — წყენით მიუგო ცოლმა. — ახლა და ახლა სულ სახლში ჰყავს, პეპსი და ქალბატონი დიანა წუხდენ, ჩვენთანაც აღარ უშვებსო, უთუოთ, ეშინია, ახლა ბავში წამოიზარდა, ვაი თუ რამე გაახსენდეს თავისი უწინდელი ცხოვრებიდან და ყველასთან ტიტინი დაიწყოს...

— მე ერთი საქმე მაქვს გადაწყვეტილი, მოდი! — უეცრათ შეაწყვეტინა ცოლს სიტყვა პეშუმ. — მაგრამ შენ პირობა უნდა მომცე, რომ მოთმინება არ დაგეკარგება და იმ საქმის ასრულებაში ხელს არ შემეშლი.

დეიდა მოლიმ სიამოვნებით მისცა ქმარს ეს პირობა.

XX

ჟოზენი ძალგატონ დიანასს.

სირველ ხანებში ჟოზენი ცდილობდა ქალბატონ დიანას და მის დედას დაახლოვებოდა, მაგრამ ორივე დედა-შვილმა ცხადათ აჩვენეს, თუ თქვენ ბავშს ჩვენ სახლში ვიღებთ, ეს იმას სრულდებოდაც არ ნიშნავს, რომ დეიდა მისთანაც დამეგობრება გესურსო და გაბრაზებულმა ჟოზენმა გადაწყვიტა დაესაჯა ისინი ასეთი სიამაყისთვის. არ გასულა სამი დღე მას აქეთ, რაც პეშუმ ოქროს საათი იყიდა, რომ ჟოზენმა ქალბატონი დიანას ლამაზთ ამწვანებული ბალის ქიშკარი შეაღო და ამაყი, მედიდური სახის გამომეტყველებით პატარა კონტა სახლისკენ



წაიდა. ეტყობოდა, რომ საქმეზე მოსულიყო. ქალბატონ დიანას ჯერ ერთი ორი სიტყვაც არ ეთქვა მისთვის, რომ მან ჯიბიდან გატენილი ქისა ამოიღო და ამაყათ ჰკითხა ქალს:

— აბა, მიბრძანეთ, რა გერგებათ თქვენი ანგარიშით!

— როგორ თუ რა მერგება! — გაკვირვებით ჰკითხა დიანამ.

— ჯენის ვაკვეთილებისთვის. ეს რამდენიმე თვეა ასწავლით და დროა, თქვენი ჯამაგირი მიიღოთ!

— უკაცრავათ, ბატონო! — აღვლევებით მიუგო დიანამ. — მე ფულისთვის არ ვასწავლი ბავშვს! მე ჩემი სურვილით და მხოლოდ ჩემი სიამოვნებისათვის ვასწავლი მას!

— რისთვის უნდა ასწავლოთ ტყუილა, როცა მე შეძლება მაქვს, ჯამაგირი გაძლიოთ! — დაცინვით შეეკითხა ქოზენი, ამოიღო ქისიდან რამდენიმე ქალაღის ფული და გაუშვირა დიანას. — თქვენ ისეთ გაჭირვებაში ხართ, რომ სასაცილოცაა, ფულზე რომ უარს ამბობთ. მე ძალიან კმაყოფილი ვარ, რომ შეძლება მაქვს, ახლავე გადაგიხადოთ. მასწავლებელი მართლა კარგი ყოფილხართ, ბავშვა გვარიათ ისწავლა დაქვრა...

პირველ წამს დიანა გაშტერდა, ასეთი სიტყვები რომ გაიგონა, მაგრამ მალე გაახსენდა, რომ გრაფ ოტრევის შეიქმნა არ ეკადრებოდა ვიღაც გაუზღველ, უბრალო ქალთან ჩხუბი, მედიდურათ ასწია ზევით ამაყი თავი და მხოლოდ ეს უპასუხა:

— ძალიან ვწუხნარ, რომ უბრალო მასწავლებლათ მიმიღეთ... მე არაოდეს არ ამიღია ვაკვეთილებში ფული... და არც ავიღებ.

— მე მაინც ვიმეორებ, რომ ეს ფული უნდა მიიღოთ! — ისევ თავისი გაიმეორა ქოზენმა და ისევ გაუშვირა დიანას ფულები.

— მეც ვიმეორებთ, რომ ეს შეუძლებელია. ნება მიბოძეთ, კიშკრის კარებში, გაგიღოთ.

— კარგი! — გულმოსულათ მიუგო ქოზენმა. — მაგრამ იცოდეთ, რომ აწი ნებას აღარ მიეცემ ჩემ დისწულს, თქვენთან იაროს თუ მისთვის საჭიროა მუსიკის სწავლა — ისეთ მასწავლებელს ვეუბნები,

რომელიც თავის დამცირებათ არ ჩათვლის გაკვეთილებში ფულის აღებას.

— ნუ თუ მაგ სიამოვნებასაც მოგვაკლებთ, ნუ თუ ბავშს აღარ გამოუშვებთ ჩვენთან!—წყენით წამოიძახა დიანამ და ცრემლები ძლიერ შეიკაფა.

— მე არ მინდა, რომ ჩემმა დისწუღმა დილიდან საღამომდის სულ ქუჩებში ირბინოს!—ცივით მიუგო ჟოზენმა.—მას აქეთ, რაც ამ ქუჩაზე გადმოვედით—თაეც უარესათ უჭირავს, ვიდრე უწინ!—ამ სიტყვებით ის გამოვიდა ლამაზი ბალიდან და წყრომით გაიბრახუნა ჰიშკარი. დიანა ერთ წამს გაშტერებული დარჩა.

— დიანა! დიანა!—მოესმა მას ამ ღროს მოხუცი დედის ხმა, რომელიც ლოგინში იწვა და რომელმაც მხოლოდ იქა-აქ მოჰკრა ყური ლაპარაკს.—დიანა, რა უნდოდა იმ ქალს? ვინ მისცა ჩვენსას ასე ადრე მოსვლის ნება?

— საქმე ჰქონდა, დედა!—წყნარათ მიუგო დიანამ და ცრემლები შეიწმინდა.

— საქმე? მერე რა საქმე უნდა ჰქონოდა შენთან?

— მას ეგონა, რომ ჯენის სწავლებაში ფულს ავიღებდი.

— ხომ გეუბნებოდით, ნუ შემოგყავს ბავში ჩვენ სახლში, თუ არა ინანებ-თქო?—წყრობით უთხრა დედამ.

— არა, დედა, მე არაფერს არ ვნანობ, მე მხოლოდ ვწუხვარ, რომ ვეღარ ვნახავ პატარა ლედი ჯენს! ჟოზენმა გამოაცხადა, აღარ-სად აღარ გაეუშვებო!

— უმადური!—ისევე წყრომით წაიბუტბუტა მოხუცმა.—იმას სიკეთეს უშვებოან—ის-კი, მაღლობის მაგიერათ, შეურაცხყოფას აყენებს ადამიანს.

— მართალი რომ ვთქვათ, იმას არც-კი მოუყენებია ჩემთვის შეურაცხყოფა!—მიუგო დიანამ.—იმას საიდან უნდა ცოდნოდა, რომ მე გაკვეთილებში ფულს არ ვიღებ? რამდენჯერმე კიდევ მომსგლიათ თავში ის თიქრი, დედა, რომ გამოგუტყდეს ჩვენ უწინდელ ნაცნობებს,



რა გაჭირვებაში ვართ ახლა... ისინი მუსიკის და სიმღერის გაკეთი-
 ლებს მიშოვიდენ... ფულსაც მეტს ეიშოვიდი, და უფრო სიამოვნე-
 ბითაც ეიმუშაებდი, ვიდრე ახლა, გასაყიდათ რომ ჭუკებს და ია-
 ღონებს ვაკეთებ...

— დიანა, დიანა, რას ლაპარაკობ! — აღელვებით წამოიძახა ოტ-
 რევის ქერივმა. — გრაფ ოტრევის ქალიშვილმა ვილაც მედუქნეების
 შვილებს ასწავლოს, და ისიც ქირით! არა, არა! მაგ დამცირებას მე
 მირჩევნია შიმშილით სული ამომხდეს!

ქალმა აღარა უპასუხა-რა.

ცოტა ხანს იქით, რაც დიანამ შენიშნა, რომ დედა მის ჩაქი-
 ნა, ის სტოლთან მივიდა, ნელა გადაატრიალა კლიტე, გამოწია უჯრა,
 ამოიღო შიგნიდან შავი ხავერდის პატარა ყუთი, გახსნა ის და თვალ-
 ცრემლიანი დაჩერდა მშვენიერ ოქროს სამაჯურს, სულ ფირუხე-
 ბით და ბრილიანტებით შემკულს.

— ამასაც უნდა გამოვეთხოვო! — მწუხარეთ წაილაპარაკა მან. —
 დიდხანს, დიდხანს ეინახავდი ძველი, ბედნიერი დროის სამახსოვე-
 როთ... მაგრამ ახლა რაღა გაეწყობა! ოღონდ-კი დედამ არ შენიშ-
 ნოს, რა საშინელ მდგომარეობაში ვართ... დღესვე წავეუღებ ქურ-
 დანს... და ეთხოვ, რომ რაც შეიძლება ძვირათ გამიყიდოს ჩემი ლა-
 მაზი, ჩემი საყვარელი სამაჯური...

დიდხანს უყურებდა დიანა ძვირფას ნივთს და მწარე ცრემლე-
 ბი ერთი მეორეზე მოგორავდენ მის გამხდარ, ფერმკრთალ ლოყებ-
 ზე... მერე მან უცებ მიხურა და დაკეტა სტოლის უჯრა, დახურა
 შავი ხავერდის ყუთი და ხელსაქნარის კალათში ჩამალა ის.

გაიარა ერთმა კვირამ, რაც დიანას ლედი ჯენი აღარ ენახა.
 ბევრი იწუხა, ბევრი იტირა მან ამ დროს განშავლობაში... მაგრამ
 ვერაფერი ვერ მოეხერხებინა. მუსიკაც-კი შეიძულა ამ ერთ კვირა-
 ში... ერთხელაც აღარ აეხადა პიანონის თავი.

მაგრამ ერთხელ ის ისევ მიუახლოვდა ფორტკეპიას და და-
ფიქრებით, წყნარათ დაამღერა ზედ ლედი ჯენის საყვარელი ჰანგი...
იმევე წამს, ფანჯრის იქიდან, ქუჩიდან, მას მოესმა ბავშვის ნაცნობი,
ნაზი და წკრიალა ხმა, რომელიც შეუტდომლათ, ლამაზათ იმეორებ-
და იმავე ჰანგს.

— ეს ისაა! ეს ლედი ჯენია! — აღტაცებით წამოიძახა დიანამ,
წამოხტა ადგილიდან, ფანჯარას მივარდა და უცბათ გააღო დარბებიც
და ფანჯარაც.

ფანჯრის პირ-და-პირ, ქუჩაში, იდგა გამხდარი, ფერმიხდილი
ბავში, ოქროსფერი გაშლილი თმით, დიდი, ლურჯი, მოელვარე თვა-
ლებით, წყნარი, ფიქრიანი ღიმილით ტუჩებზე და გრძელ-ფეხა, ცის-
ფერი ყანჩით ხელში.

დიანა გამოვარდა კარში, დაიჩოქა ლედი ჯენის წინ და თვალ-
ცრემლიანმა დაუწყაო მას ხევენა და კოცნა.

— დიანა! დიანა! რამ გადაგრია, ამ სიცივეში რომ ფანჯარა
გავიღია? — წყრომით დაიძახა ამ დროს ოტრევის ქერიემა, მაგრამ
დიანას ამ წამს მისი ჯაერი აღარ ჰქონდა. ის აღტაცებით უკოცნიდა
თავის პატარა მეგობარს პატარა ფერმიხდილ სახეს და სიხარულით
მოელტვარე, დიდ, ლურჯ თვალებს.

— ქალბატონო დიანა! — ნელი ხმით უთხრა ჯენმა დიანას და
ორივე ხელი კისერზე მოხვია. — დეიდა პოლინა თქვენსას სიარულის
ნებას აღარ მძლევს. ხომ უნდა გავუგონო, არა?

— რასაკვირველია, ჩემო პატარა, რასაკვირველია! — სიყვარუ-
ლით მიუგო დიანამ.

— იცით, მე მაინც ყოველ დღე მოვდიოდი ხოლმე ამ ფანჯარას-
თან... მინდოდა გამეგონა, ხომ არ მღერით... მაგრამ თქვენ არ მღე-
როდით... თქვენ ოთახებში ყოველთვის სიჩუმე იყო...

— ჩემო პატარა, რა მემღერებოდა! — ისევ თვალცრემლიანმა
მიუგო დიანამ. — იმდენი დღე იყო, რომ არ მენახე!

— ნუ ტირით, ნუ ტირით, ქალბატონო დიანა! — სიყვარულით

ისეე ორივე ხელი მოჰხვია ქალს პატარა ჯენმა.—მე ხომ თქვენ ისეე ისე მიყვარხართ! ნუ ტირით! მე ყოველ დღე, ყოველ დილას მოვალ ხოლმე თქვენ ფანჯარასთან! დეიდა პოლინა ამას ხომ ევლარ დამიზღობს!

— არ ვიცი, ჩემო პატარა! ეინ იცის, იქნება მაგაზედაც გაგიჯავრდეს!

— დიანა! დიანა! დახურავ თუ არა ფანჯარას?—ისეე მოისმა ამ დროს ოტრევის ქერივის გულმოსული ძახილი.—ახლავე, ამ წამსვე დახურე! მშვენიერ წარმოდგენას-კი უმართავ ყველა მეზობლებს! შუა ქუჩაში წამოგჩიოქნია პატარა ბავშვის წინ! ეგ ლა გაკლდა!

— მშვიდობით, გენაცვალე!—სიყვარულით წაუღაპარაკა დიანამ ლედი ჯენს და ფეხზე წამოდგა.—დედას არ უყვარს, როცა მე ფანჯარას და დარაბებს გავაღებ ხოლმე... ამას იქით კიშკარში გამოგეგებები და უფრო თავისუფლათ ვილაპარაკებთ... მშვიდობით!

ამ სიტყვებით დიანა საჩქაროთ დაბრუნდა ოთახში და მაშინვე ჩაკეტა ფანჯარაც და დარაბებიც.

— უკაცრავათ, დედა!—წყნარათ მიუბრუნდა ის ოტრევის ქერივს, —მაგრამ, რა ექნა, თავი ევლარ შვეიცავე! ისე გამეხარდა ბავშვის დანახვა..

მართლაც, დიანას სახე მთლათ გაენათებინა ამ წამს გამოცდილ სიამოვნებას და სიხარულს.

— მგონი სულ გადამერიე, დიანა!—წყრომით მიუგო დედამ.—წარმოდგენილი მაქვს, როგორ ალაპარაკდებდიან ახლა ყველგან, მეზობლებში, ეოხენმა თავის ბავშს ოტრევებთან სიარული დაუშალა, ოტრევის ქალი-კი ქუჩაში გამოვარდა, რომ ბავში ენახაო! ოჰ, დიანა, დიანა! მთელ შენ სიცოცხლეში ეს პირველათ დაიფიწყე, რომ შენ ოტრევების ჩამომავალი ხარ!

ქრისტე უმჯინი.

ამ უკანასკნელ დროს ქოზენი ძალიან მოწყენილი და და-
ფიქრებული იყო; ყველა მეზობლები ატყობდნენ, რომ მას რაღაც
აწუხებდა, მაგრამ ის არაფერს არ უზიარებდა თავის ფიქრებს.

აწუხებდა-კი ის გარემოება, რომ მისი შვილი, ედრასტი, ერთი
თვით სატუსალოში ჩასვეს, და კიდევ უფრო ის, რომ ედრასტმა სა-
ათი გაყიდა.

— ვინ იცის, იქნება ვინმე პოლიციის მოხელემ იყიდა ის სა-
ათი, იქნება ამაზე გამოძიება შედგესო! — ფიქრობდა ქოზენი დილი-
დან საღამომდე. — ახლა ლელი ჯენიც წამოიზარდა... იქნება ლაპარა-
კი დაიწყო, გაიხსენოს მთელი თავისი უწინდელი ცხოვრება, დედ-
მამის გვარი და სახელები... მადლობა ღმერთს, რომ ოტრევეებს და
პეშუს ოჯახობას ჩამოეცილებო... ახლა ევრას და პეპისაც უნდა
დაეშორებო... მაგის ნივთებში მარტო ევრასის ყუთი-ლა დამრ-
ჩა... ისიც უნდა მოვიცილო თავიდან..

ამასობაში გაიარა 30-მა დღემ და ედრასტი თავის დედასთან
დაბრუნდა. გულმოსულმა ქოზენმა მაშინვე საყვედურებით მიმართა,
მაგრამ ედრასტმა ისეთი პასუხი მოუხერხა, რომ ქოზენიც-კი დამ-
შვიდა.

— მერე რა ეყუთ, სხვისი საათი რომ მქონდა? — მიუგო მან.
— მოპარული და წართმეული ხომ არ იყო? ის საათი დედამ თავის
ქალიშვილს დაუტოვა... და მე დროებით ვატარებდი, რა იყო ამა-
ში ცუდი? გაყიდვით-კი არაფრით არ გავყიდიდი, ნამეტანი გაჭირვე-
ბა რომ არ დამდგომოდა... ახლა-კი გარწმუნებთ, დედა, მე სრუ-
ლებით უნდა შევეცვალო ჩემი ცხოვრება და ჩამოვიცილო იმ ხალხს,
რომლებმაც სატუსალომდის მიმანწევენს...



ამ სიტყვების გაგონებაზე ქოზენი ალტაცებაში მოვიდა და მაშინვე მშვენიერი სადილი მოუმზადა თავის ერთი თვის მარხულ შვილს.

მართლაც, ამას შემდეგ რასტი სულ სახლში იყო და ყველაფერში ყურადღებით ეხმარებოდა დედას. ქოზენი ამ გარემოებამ ისე ააფრთოვანა, რომ ბოლოს მან გამოუცხადა შვილს, მოდი, მე და შენ ერთათ, ამხანაგურათ გავხსნათ უფრო დიდი მაღაზიაო...

— მერე რა ფულებით, დედა? — შეეკითხა ვაჟი.

— ოო! მაგის ჯგერი ნუ გაქვს, ფულებს-კი ვიშოვი! — ღიმილით მიუგო დედამ. — ნისიათაც ბევრი ვაჭრები მენდობიან!

— ჰო, მაშ თუ აგრეა, ახლავე წადით, დედა, მოილაპარაკეთ დუქნის ქირაობაზე, და ნისიათ სავაჭროს შოენაზედაც! — მხიარულათ გამოუცხადა ედრასტმა. — მე-კი აქ დაერჩები და მყიდველებს მივიღებ... მხოლოდ ერთ რამეს გთხოვთ, ის ბავში სადმე გაგზავნეთ, წავიდეს თავის ქალბატონ დიანასთან ან ეინმე სხვა ნაცნობებთან. კირივით მეზარება, ის რომ თავის გრძელ-ფეხა ყანჩით წინ წამომიჯდება და რამეს გამოკითხვას დამიწყებს...

ქოზენი წამოდგა, დაიხურა შლიაპა და სახლიდან წავიდა, საქმეებზე, როგორც შვილს გამოუცხადა.

სახლში რომ დაბრუნდა, ედრასტი აღარ დახვედრია. ლედი ჯენმა პეპსის ფანჯრიდან დაინახა დედა პოლინა და მაშინვე გამოვარდა ქუჩაში.

— დედა პოლინა! — შორიდანვე დაუძახა მან. — რასტმა ეს გასაღები მომიტანა და მითხრა, დედას გადაეცი, რომ მყიდველებმა ძალიან დაჰალღეს და გასასვირნებლათ წავედიო.

ქოზენმა ღიმილით გამოართვა ბავშს გასაღები. — მეც-კი ვიცოდი, რომ პირველათ ძალიან მალე დაილაღებოდაო! — გაიფიქრა მან.

ბავში მან ისევე პეპსისთან გაუშვა, თითონ-კი ოთახში შევიდა, შლიაპა მოიხადა და იქაურობას მილაგება დაუწყო, თან სიამოვნებით იღიმიებოდა.. მას თვალწინ ეხატებოდა დიდი, მშვენიერი მაღაზია, რომელსაც ის და ედრასტი ერთათ გახსნიდნენ...

ამ დროს ქოზენს გაახსენდა, რომ დღეს სახლის ქირა უნდა გადაეხადნა; მან ამოიღო ქისა და დაუწყო თავის ფულებს თელა... გამოდგა, რომ გადასახდელ ფულს რამდენიმე დოლლარი უკლდა.

— რა გაეწყობა, ჩემი ბანკიდან უნდა ვისესხო! — ლიმილით წაილაპარაკა ქოზენმა და გამოსწია სტოლის უჯრა, რომლის გასაღებიც მუდამ თან ჰქონდა; მთელი ის ფული, რომელიც ჯენის დედას დარჩა, და მთელი თავისი მოგროვილი ფულიც ქოზენს იქ ჰქონდა შენახული, ძველ ფერჩატკებში ჩატენილი და ათას წერილმანის ქვეშ ამოდებული.

უეცრათ, უჯრა გამოსწია თუ არა, ქოზენმა შენიშნა, რომ იქ არაჩვეულებრივი არეულობა სუფევდა.

— ღმერთო! — შიშით წაილაპარაკა მან. — ნუ თუ აქ ვინმე ხელს ურედა? — და მაშინვე თავის ძველ ფერჩატკებს მივარდა, ერთ წამს გადმოაბრუნა ორივე... ოქროს და ქალაღის ფულების მაგიერათ ქოზენმა იქ მხოლოდ ერთი პატარა თეთრი ქალაღის ნაკუწი იპოვა...

ის მოწყვეტით დაეშვა თავის ლოგინზე და ძლივს გაარჩია ქალაღის ნაკუწზე ნაცნობი ხელით დაჯღაბნილი სიტყვები:

„საყვარელო დედა! — წერდა მას რასტი. — მე გადაეწყვიტე თქვენ არ შეგიაძხანადეთ და მთელი ფული მე წავიღო, თქვენ კი ნისია დაგიტოვოთ. ამას იქით, თუ კიდევ მოგინდესთ თქვენი შეიღისაგან იმ ფულის დამალვა, რომელიც იმასაც იმდენათვე ეკუთვნის, რამდენათაც თქვენ — ფერჩატკებში ნულარ დამალავთ, სხვა ადგილი გამოძებნეთ. მე სამოგზაუროთ მივდივარ. ამდენი ხნის ერთ ადგილს ჯდომას შემდეგ ჩემთვის ჰაერის გამოცელაა საჭირო. თუ ჩენი მუზობლები რამე ლაპარაკს დაიწყებენ — თქვენ შეგიძლიათ უთხრათ, რომ მე ტუნასში წავედი, ბიძა-ჩემთან“.

„თქვენი მოყვარული და ერთგული შვილი
ელრასტ ქოზენი“.

ქე. წაჭკთელი.

თუთიყუში და ბელუკა.



თუთიყუში ძალიან კონიერი ფრინველია. ბევრი რამ შეიძლება კაცმა შესწავლოს მას; ის ბაძავს სხვა-და-სხვა ხმას, ზოგჯერ მთელ სიტყვებსაც ამბობს, მისი საჭმელი ხილი და თესვებეობაა. მწვანე თუთიყუში სამხრეთ ამერიკიდან მოჰყავთ, ნაცრის ფერი-კი აღის-ფერი კუდით — დასავლეთ აფრიკიდან. ამკვარი ნაცრის-ფერი თუთიყუში ერთ-სელ ჰარიზში მოიყვანეს. სახელათ ჯეკი ერქვა. ჯეკი ძალიან შეეჩვია ასალ ბინას და ერთ ჰატარბ ბელურას ძალიან გა-

ქართული
ლიტერატურის

უძეკობრდა. ბელურა სწორეთ იმ დროს მოფრინდებოდა
სოლმე, როდესაც თუთიუშის ჭამის დრო დადგებოდა და სა-
უსმეს უნახევრებდა, მარცვლებს და ნამცეცებს კენკავდა.

თუთიუშს დილაობით გალიიდან გამოიყვანდნ სოლმე და
გარეთ სარინსე ჯაჭვით მიანავდნ. იქვე განდებოდა სოლმე
ბელურაც. დანახავდა თუ არა ჯევი თავის მეკობარს, მაშინ-
ვე იმ ფესს, რომლითაც დაბმული არ იყო, გააშვერდა,
თითქო ქანდარა არისო, რომ ბელურა ზედ დამჯდარიყო.

ბელურაც ჯდებოდა ზ ერთ ხანს ორივე ფრინველი უძრავათ,
განუძებული, ივენ სოლმე. თუთიუში თავს გვერდსე მოიქ-
ცედა და ალერსით დაუწეებდა ურებს თავის ზანწან შე-
გობარს. ისიც სინარულით ფრთებს აფრთხილებდა. ძერე
თუთიუში ნელა-ნელა თავის საუსმეს მიუახლოვდებოდა,
თან თითქო ბელურასაც იანტიებდა «მოდი ერთათ შევექ-
ცეთო». საუსმეს შემდეგ თუთიუში გაძლიდა ერთ თავის
ფრთას, ბელურა იქ შეიფარავდა თავს და ნინკარტით მო-
ჭეებოდა თუთიუშის სნეულის წმენდას და ფხანას და თან
უხილავდა მწერებს და ამითი დიდათ ასინამოვნებდა ჯეკს...
ბელურა ერთი ფრთის გაწმენდას რომ გაათავებდა— თუთი-
უში მეორე ფრთას მიუშვერდა, ამასაც იმ რიგათვე გაუ-
სუფთავებდა. ბელურა თითქოს გრძნობდა რასაც მოელოდა
მეკობარი მისგან და თავის მოვალეობას სინამოვნებით ას-
რულებდა.

ბოლოს ორივე ფრინველი ერთმანერთს მოუსხდებო-



დენ სოლმე, თავებს ფრთებ ქვეშ ამოიდებდენ და ისე დაიძინებდენ.

ერთხელ თუთიუში შიძიმეთ ავით გასდა; მისი ზატარა მეგობარი ერთ და იმავე დროს ექიმათაც გადაიქცა და მომვლელათაც; გამწარებულმა ბედურამ ბაღში რაღაც მტყენარეს დაუწყო ძებნა, ბოლოს დაბრუნდა და ნისკარტით ბაღასის დერო მოუტანა ავითმყოფ თუთიუშს; იმანაც მაშინვე შეჭამა. ასე უზიდავდა ბედურა სამი-ოთხი დღე თუთიუშს ბაღასს, სანამ ჯეკი წრულებით კარგათ არ გასდა.

მალე თუთიუშმაც სამაგიერო გადაუსდა. ერთხელ, როდესაც ბედურა არსეინათ მარცვლებს კენკავდა თუთიუშის გვერდით ხარისასე და ვერ ამხნევდა, რომ დიდი კატა ეზარებოდა, თუთიუშმა დაინახა მეგობრის მტერი და ისე საშინლათ დაიწვილა, რომ კატას შეეშინდა და კუდ-ამოძეებული სწრაფათ გაიქცა.

(რუსულიდან).



ქვის საუკუნის ბავშვები.

თარგმანი.

XIII

ქალის დანიშნა.



მ დღეს აქეთია, ედო მარტო ნადირობაზე-კი აღარ ფიქრობდა, — იმისი გული და გონება იქითკენ მიისწრაფოდა, სადაც ფეხ-მარჯვეს მამა ცხოვრობდა; ის ნადირის მაგიერ უფრო იმას ათვალისებდა, რომ იქნება ეს ლამაზი ქალი შეხვედროდა სადმე იმას გადაწყვეტილი ჰქონდა, რომ ფეხ-მარჯვე მისი ცოლი იქნებოდა. ახლა სულ სხვა ფიქრებით იყო ის გატაცებული; ის იყო ღონიერი და მარჯვე შონადირე, საკუთარი ოჯახი ჯერ არ გააჩნდა, — ისევე დედ-მამასთან ცხოვრობდა და იქ ცოლის მიყვანა შეუძლებელი იყო, რადგან თითონაც ვიწროთ იყვენ. ედოს უნდოდა, ცალკე ოჯახობა გაეჩინა, ამიტომ ჯერ კარგი მშრალი და მარჯვე გამოქვამული უნდა მოეძებნა, რომელიც გარეულ მხეცებისაგან იქნებოდა დაცული. მან დაიწყო ამგვარი გამოქვამულის ძებნა.

ედომ იცრდა ტყეში ერთი ადგილი, საცა ბევრი გამოქვამული იყო და საცა არაფერს ცხოვრობდა, რადგანაც საშიშარი ადგილი



იყო. ამ ტყეში ბევრი თხილი და მალალი ბალახი იყო და გარეუ-
ლი მხეცი ბლომით დადიოდა საძოვრათ; ამიტომ უფრო ერიდებო-
დენ ამ ადგილს. ედომ აქ დასახლება გადაწყვიტა. ის ყმაწვილი იყო,
ჯერ ღონიერი, თავისი ღონის და სიმარჯვის იმედი ჰქონდა, თავის
გამოგონილი შვილდ-ისრისაგან დიდ მომავალს მოელოდა და ამი-
ტომ შეუდგა ამ ადგილას გამოქვაბულის ძებნას, რომელიც მას და
მის მომავალ ცოლს გამოადგებოდა.

მალე შესაფერი გამოქვაბული იპოვნა, რამდენიმე დღის მუშა-
ობა მოანდომა, რომ კედლები ჩამოეთალა და გაესწორებინა, იატაკი
გაასუფთავა, გასწორა და კერა ააშენა, თან წყლის ასადუღებელი და
ხორცის მოსახარშავი ქვა ამოფურღენა. მის ბედზე ეს ქვა შიგვე
გამოქვაბულში იყო; შესავალი ქვებით ამოქოლა და მარტო თავისი
შესასვლელი სერიტე დასტოვა. გამხმარი ფურცლები მოაგროვა და
შეზიდა, ზემოდან ტყაეი გადაათარა, ერთი დიდი ქვა მოაგორა, რომ
შესავალი კარები დაეხურა. ახლა სულ ყველაფერი მზათ იყო.

მაგრამ ედო აგვიანებდა იმ ქალის მამასთან წასვლას, რომელ-
ზედაც ფიქრობდა და ვისთვისაც სახლს ამზადებდა. ჯერ სანამ მამას-
თან წავიდოდა, უნდოდა თითონ ქალი ენახა და იმასთან მოელაპა-
რაკნა. ერთხელ ნადირობის დროს კაკაბი მოჰკლა, შეჭამა, მერე ხეზე
აეიდა, ერთ განიერ ტოტზე წამოწვა და სითბოთი, მშვენიერი სუნ-
ნელოვანებით და ფრინველების ჭიკჭიკით სიამოვნებდა. ნელი ნია-
ვი დიდრონ გვიმრის ტოტებს ოდნავ არხევდა. ედო შორს იყურე-
ბოდა და უეცრათ შეეკრთა, რადგანაც ფეხ მარჯვე დაინახა.

ქალი ერთ დიდ ხის ტოტზე იჯდა და ქანობდა; ედომ სიხ-
არულით წამოიყვირა, საჩქაროთ ხიდან გადმოხტა და ქალთან მივიდა.
ქალმა ედო მაშინვე იცნო, მაგრამ მოულოდნელი შეხვედრით შე-
შინდა, თუ თავის სახლის მოშორებით უცნობ ადამიანთან მარტო-
კა დარჩენა არ უნდოდა, გადმოხტა ტოტიდან და გაიქცა; ედო უკან გა-
მოეკიდა, მაგრამ ვერ დაეწია; იმ გორამდის გაჰყვა, საცა იმათი სახ-

ლი იყო, და მერე ჩამორჩა, რადგან მოერიდა, რომ მამა მისსე მის ძმებს არ დაენახათ.

რამდენიმე დღემ გაიარა და ედომ გადაწყვიტა, ძველ მონადირესთან მისულყო და ქალი ცოლათ ეთხოვა. ფეხ-მარჯვე ღარწმუნებული იყო, რომ ედო იმის წასაყენათ მოედიდა და მოუთმენლათ მოელოდა. ის გორაკზე გადმომჯდარიყო და ბილიკებს უყურებდა; ბოლოს მოლოდანი აუსრულდა, — ერთ ბილიკზე ედო დაინახა; ის ხელმეორეთ გაიქცა, მამა მისი-კი ალერსიანათ შეხედა, როდესაც ედო იმასთან მივიდა. ფეხმარჯვეს მამა ედოს მამას კარგათ იცნობდა; ისიც გაეგონა, რომ იმის უფროსი შვილი მარჯვე და კარგი მონადირე იყო, და ეს სრულებით საკმარისი იყო, რომ თავისი ქალი ცოლათ მიეცა. ყმაწვილმა კაცმა და ქალმა მარტო ახლა გასცეს პირველათ ერთმანეთს ხმა, ედომ უამბო ფეხ-მარჯვეს, გამოქვაბული მზათა მაქეს და ახლავე შევეიძლია წასვლაო და ამას შემდეგ ისინი მალე წაიღენ კიდევ თავის გამოქვაბულში.

XIV

ახალ აღმიღვი.

ედო და ფეხ მარჯვე სრული ბედნიერი იყვენ თავის ახალ სახლში, მაგრამ გარეული მხეცები მოსვენებას არ აძლევდენ და მუდამ შიშში იყვენ. მეორე დღესე, როდესაც ისინი იქ დასახლდენ, კინალამ გვირაბის დათვის მსხვერპლი გახდენ. ედო ცოლს უჩვენებდა თავის გამოგონილ შვილდ-ისარს და სროლით ისე გაერთენ, რომ სიფრთხილე დაეიწყდათ და თავის სახლს დიდ მანძილზე მოშორდენ. იმ დროს, როდესაც ფეხ-მარჯვეს შვილდი ეჭირა და ედო ისარს უსწორებდა, ცოტა მოშორებით რაღაც ბანჯგელიანი მხეცი დაინახეს; სახლში გაქცევა გვიანლა იყო და ამიტომ

იქვე ხეებზე აცოცდენ: ფეხ-მარჯვე მალალ ფიჭვზე და ელო-კი თნმე-
ლაზე. თუმცა ცოლ-ქმარი ერთმანერთზე შორს არ იყვენ, მაგრამ
მაინც ფეხ მარჯვემ შვილდი ვერ გადასცა ელოს. მხეცები ხის ძირ-
ში დადიოდნენ, ხეზე ასვლა-კი არ შეეძლოთ. ისინი ელოსა და
მის ცოლს გაბრაზებული შესცქეროდნენ. ელო და ფეხ-მარჯვე დასა-
ძინებლათ მოეწყვენ; ორი ტოტით ხეზე მიიკრეს თავი და ისე და-
იძინეს. როდესაც ელომ გამოიღვიძა, გათენებულაყო და დათეები-კი
იმევე ადგილას იწვენ. ელო გამოეზაურა ფეხ მარჯვეს, რომელსაც
ჯერ კიდევ ეძინა, და როდესაც ის გონზე მოვიდა, უთხრა: ჩემთან
ხეზე გამობრტო. თუმცა დიდი განსაცდელი მოელოდათ, ერთი ფე-
ხი რომ ასცდნოდა ფეხ-მარჯვეს დათვის ლუკმა ვანდებოდა, მაგრამ
ელომ გადაწყვიტა: ასე შიმშილით დაეიხოცებითო; თავისი ღონის და
ცოლის სიმარჯვის იმედი ჰქონდა. ფეხ-მარჯვე ქმარს დაემორჩილა,



მთელი თავისი ძალ-ღონე მო-
იკრიფა და ისე ღონიერათ გა-
დახტა, რომ კინაღამ ორივე გად-
მოცეინდნენ. როდესაც დაწყნარ-
დნენ, ელომ ერთი ისრის ტყორ-
ცნით დიდი დათვი მოჰკლა და,
როდესაც ის ყალუხზე წამოვარ-
და, დედალ დათვს დაუნიშნა
მეორე ისარი და ისიც ისე დაჭ-
რა, რომ პატარა მანძილის გე-
ლოც ვერ მოასწრო, იქვე მოკე-
და. მაგრამ მაინც კიდევ დიდ
ხანს ვერ შევიდნენ თავის გა
მოქებაულში, რადგანაც ხეად

დათვს უნდოდა, შემძვრალიყო შიგ, ვერ მოასწრო და ზედ კარებზე
სული ამოუვიდა. რამდენიმე დღემ გაიარა, ვიდრე ელო და ფეხ-მარჯ-

ვე თაგის სახლის შესაყალს გაათაგისუფლებდენ. ამ დროს განმსუ-
ლობაში ისინი გარეთ იყვენ, სულ ცეცხლი ერთოთ და ერთმანეთს
უღარაჯებდენ. ამ დღიდან ედომ განიზრახა იმისთანა ადგილას გა-
დასახლება, საცა გარეული მხეცების შიში უფრო ნაკლები იქნე-
ბოდა.

იმას მოაგონდა ცეცხლის ქვეყანა, რომელზედაც მოკა უამბობ-
და ხოლმე და ამ ქვეყნის პოენა გადაწყვიტა. ფეხ-მარჯვე იმდენათ
უშიშარი და მამაცი იყო და ისე მარჯვეთ ისროდა შეილდ ისარს, რომ
იმისი მარტო დატოვება ედოს არ ეშინოდა. იმან იცოდა, რომელ
მხარეზე იყო ეს ქვეყანა და, როგორც ყველა იმ დროის მონადირეს,
გზის პოენა ადვილათ შეეძლო. დღით ის მზის შუქზე მიდიოდა, ნა-
დირს ჰკლავდა, ცეცხლზე წვადა და ისე იკვებებოდა, ღამე ხეზე
ეძინა. ბოლოს დაინახა დიდი ველი, რომელსაც გარშემო თითქოს
ცეცხლის კედლები ერტყა. ეს ველი მაღალი მთებით იყო შემო-
ზღუდული; მთებში გამოქვაბულები არ მოჩანდა. იქ გვირაბის გათხ-
რა ადვილი იყო, თბილდა, ქაობი არ იყო და გარეული მხეცებიც
ცეცხლის შიშით ახლო არ ეკარებოდენ.

როდესაც ედო უკან დაბრუნდა, ფეხ მარჯვეს გადასახლების გა-
დაწყვეტილება გამოუცხადა და დაარწმუნა, რომ იქ ცხოვრება უფ-
რო ადვილი და უშიშარი იყო; მაგრამ ფეხ მარჯვე უიმისოთაც
წაჰყვებოდა ყველგან, საცა-კი ედო მოინდომებდა.

როგორც-კი ველზე გადმოსახლდენ, გვირაბის თხრას შეუდ-
გენ, მაგრამ არ ჩქარობდენ, რადგან უიმისოთაც ძალიან თბილ-
და და უშიშრათ იყვენ. ბოლოს გვირაბიც მზათ იყო; შალე
ახალგაზდა ცოლ-ქმარს ეაჟიც დაეხადათ, რომელსაც პატარა მოკა
დაარქვეს.

ლილი ნაბიჭით წინ.

ედო და ფეხ-მარჯვე მარტოკა დიღხანს არ დარჩენილან; იქ ბეერი ადგილი იყო და ყველას ეყოფოდა, მალე მოხუცი მოკაც ედოსთან გადმოსახლდა; მოკას ცალკე გვირაბი გაუკეთეს, რომ თავისუფლათ ემუშაენა და ისრები და შუბის წვერები გაეკეთებინა. შემდეგ ედოს დედ-მამაც თავისი შეილებით გადმოსახლდენ, იმათ მოჰყვა ფეხ-მარჯვეს მამაც თავისი ახალგაზდა ცოლით და ორი ვაჟით. ამგვარათ ბეერი მოჰკროდა ერთათ და ყველას საქმე მარჯვეთ მიდიოდა, რადგან ერთმანეთს ეწეოდენ. აქვე ახლოს ორ ევრსზე მიდიოდა პატარა ნაკადული, რომელიც დიდ მდინარეს უერთდებოდა და ამ წყალში აუარება თევზი იყო. ტყეში ბეერი ნადირი მოიპოვებოდა, ამას გარდა ტყის ხილიც ბლომათ იყო. გარეული ფუტყარი თავისუფლათ ყვავილებზე დაფრინავდა, ხის გამოფულრულში თავსს აკეთებდა და თავლიც ყოველთეინ ჰქონდათ ჩვენს მოსახლეებს. წელიწადი წელიწადზე მიდიოდა, ხალხი თან და-თან მრავლდებოდა და ჭკვიანდებოდა. იმათ იმისთანა გამოცდარი მონადირეები ჰქავდათ, როგორც მოკა და ფეხ-მარჯვეს მამა. ამათ შეჰწყობით დარჩენით ადვილათ შეეძლოთ საშიშარ მხეცებს თავზე დასცეპოდენ. მხეცების რიცხვიც თან-და-თან კლებულობდა და ბოლოს ისე შემცირდა, რომ ბავშვსაც-კი უშიშრათ შეეძლოთ ტყეში სარაული.

ჯერ ყველანი გამოქეპებულში ცხოვრობდენ, მაგრამ ზაფხულში ძალიან ცხელოდა. ერთხელ, როდესაც ედომ სიცხისაგან რაჰდენიმე ღამე ვერ დაიძინა, თანაბრის გაკეთება მოიგონა ხის ტოტებისაგან. ეს იყო კაცისაგან აშენებული პირველი სახლი. სხვებს ეს მოეწონათ და ამგვარივე ქოხები გაიკეთეს. როცა დაზამთრდა, ისევ გამოქეპებულში გადასახლდენ, ზოგმა-კი მხეცის ტყავები შემოახვია გარშემო თანაბრის და მთელი ზამთარი იქ გაატარა; ამ სადგომებ-

ში უფრო სუფთა და მშრალი ჰაერი იყო, რადგან კედლებიდან და ქერიდან წყალი არა წვეთდა.

მცხოვრებლების რიცხვი დღითი-დღე მრავლდებოდა. ყოველი სახლის პატრონი იმას აკეთებდა, რაც უნდოდა, მაგრამ გარეულ მხეცებზე სანადიროთ-კი ყველა ერთდებოდა. რაც უფრო მცირდებოდა ამ ველზე დიდრონი მხეცების რიცხვი, სხვა გვირაბების მცხოვრებლები მოდიოდნენ, თან ტყაყი, კაყი და მამონტის ეშვები მოჰქონდათ და მოკას გაკეთებულ იარაღზე და მეტადრე შეილდისარზე ცვლიდნენ.

ერთმანეთის შემწეობით ბევრი ახალი და სასარგებლო რამ გამოიგონეს. კიდევ ერთი საჭირო საშუალება გამოიგონა მოხუცმა მოკამ, იმიტომ-კი არა რომ ის ყველაზე ტკვიანი იყო, — იმიტომ რომ ის მარტო განსაკუთრებით იარაღის კეთების ხელობას ადგა და იმის გაუმჯობესობას ცდილობდა. ერთხელ ელა მოვიდა და შეჩვილა; ახლო მანძილიდან რაც ძალი და ღონე მქონდა ირემს ისარი ეტყორცნენ, ის მანც გამეკცა და სანამ მოკედებოდა, ბევრი ღვინა დამჭირდაო.

— ეს იმიტომ მოხდა, რომ ირემს ისარი ღრმით არ ჩაერთო ტანში! — უთხრა ელამ. ის თანასწორათ არ არის გაქლიბული. განა შეიძლება ასე უხეიროთ გაკეთებული ისრით კარგათ სროლა? თუ მოკა, ჯერ, ძალიან არ დაბერებულხარ, გამოიგონე იმისთანა საშუალება, რომ ისარი სწორი და უხორკლო იყოს.

მოხუცი მოკა ჩაფიქრდა, დიდხანს დადიოდა წყლის ნაპირას და რიყის ქვებს დასცქეროდა, დიდხანს ფიქრობდა იმაზე, თუ საიდან კეთდებოდა ეს სიბი ქვა. ბოლოს დააკვირდა, რომ ეს ქვები ერთმანეთს და ქვიშას ეხახუნებოდნენ წყლის შემწეობით. მაშინ აიღო ერთი ქვა, შუაში ამოუჭრუნა, შიგ სველი ქვიშა ჩაჰყარა, ისრის წვერი ჩადგა და იმდენი ატრიალა, მანამ ისრის წვერი არ გასწორდა და ხორკლები არ მოშორდა.

ახლა უწინდელი ხორკლიანი უსწორ-მასწორო იარაღის მაგი-

ქართული
საბჭოთაო

რათ—სწორი და კარგათ გაქლიბული. იარალის ხმარება დაიწყეს.

როდესაც ისრების, ტულების, შუბების და დანების გაჩარხვა ისწავლეს, მაშინ ამ ახალი იარაღით მუშაობა უფრო ადვილი იყო. უწინ მეთევზეები ხის ტოტებისაგან წნაფენ ტივებს და ძითი დადიოდნენ მდინარეზე. ამგვარ ტივებზე ღრმა წყალში სიარული არ შეიძლებოდა. ერთხელ სხვილი ხე შუაში ამოჭრეს, ცეცხლით ამოწვეს და ტულით შეასწორეს; შემდეგ წყლის მოსასმელი ნიჩაბიც მოიგონეს ამ ნაეების სატარებლათ. თევზის საჭერი ანკესები, ბადეები და ხოჭები გააუმჯობესეს, ბადეს კაობის მცენარიდან ქსოვდნენ. მჭრელმა იარაღმა და ნაეების გამოგონებამ ძალიან შეამსუბუქა ადამიანის მდგომარეობა და ახლა უწინდელსავეთ აღარ უჭირდათ ცხოვრება. ედოს შვილები ისე საშიშარ მდგომარეობაში აღარ იყვნენ, როგორც მათი მამები, იმათ არც კი სჯეროდათ, რომ ადამიანს მღვიმეში, გარეულ მხეცებთან ახლოს, ცხოვრება შეეძლო როდესმე. ახლა ხედავდნენ, რომ მარტო ადამიანთან ცხოვრება შეიძლება, რომ ერთი-ერთმანეთის შემწეობით და შევლით ისარგებლონ, ხედავდნენ რომ ადამიანი მარტო მაშინ არის ღონიერი და ძლიერი, როდესაც მშვიდობიანათ და მეგობრულათ ცხვრობს სხვასთან.

ქ. მ - ს.

(დასასრული)



მ ე გ ო ბ ა რ ი.



ასო იყო საწყალი გლეხის შვილი, სრულიად
ობოლი. ცხოვრობდა თავის ძალო სალო-
მესთან, რომელიც ძალიან ცუდათ ეპყრო-
ბოდა, ხშირათ უმიზვნოთ უჯავრდებო-
და და თავში უტყაბუნებდა, ცოტას აკმევე-
და და გლახათ აკმევედა. ღამით ვასოს ეძინა

ერთ პატარა ბნელ, ნახევრათ მინგრეულ ოთახში. ბავში სულ მარ-
ტო, უამხანაგოთ იყო, ხშირათ მოწყენილი, ჩაფიქრებული. ერთ-
ხელ სალომემ ის ტყეში გაგზავნა ფიჩხის მოსატანათ. გზაზე საშინე-
ლი სიცხე იყო, ტყეში კი ბევრი ჩრდილოები — და გრილოდა. გარ-
შემო სიჩუმე იდგა, არსიდან ადამიანის ხმა არ მოისმოდა, მხოლოთ
ხეების ფოთლებს ნიაფი აშრიალებდა. ჩვენი ვასო არაფერზე არ ფიქ-
რობდა; ის გულმოდგინეთ აგროვებდა ფიჩხს და ალაგებდა ტომა-
რაში. მალე ისე გაავსო, რომ ძლიეს-ლა მოიკიდა ზურგზე და ის
იყო უნდა გამოსულიყო ტყიდან, რომ თავზე გადუარა უცებ ძერამ
და დაეშვა ერთ ადგილას. ამავე დროს ბავშმა გააგონა რაღაც ხმა-
ურობა. მივიდა ახლოს და დაინახა ოდნავ შებუმბოლული ჩიტის ბარტ-
ყი; ეტყობოდა ბუდიდან გადმოვარდნილიყო, თუ ვილაცას გადმო-
ვგდა.



— საწყალო ჩემო ჩიტო! — წამოიძახა უცებ ვასომ და სანქ-
როთ ხელში აიყვანა.

ძერამ შეამჩნია-რა, რომ წაართვეს დამზადებული საუზმე, — უკ-
მაყოფილოთ შემოიქნია ფრთები და თვალს მიეფარა. ვასომ-კი ჩი-
ტი უბეში ჩაისვა, წამოიკიდა ტომარა, რომელიც ისე მძიმეთ აღარ
ჩვენა, და სინარულით გასწია სახლისკენ. ამ დღიდან ყმაწვილი
მარტოობას აღარ გრძნობდა და არც ნაღვლობდა, — მას ჰყვანდა ახ-
ლა მეგობარი; იპოვნა სადღაც კალათა, ააესო ბუმბულით და ჩასვა
შიგ თავისი საყვარელი ჩიტი, კალათა-კი თავის ოთახში ჩამოჰკიდა.
ძალო სალომეს ძალიან ეგაფერებოდა ეს მისი ახალი მეგობარი, მალ-
მალ დაემუქრებოდა ხოლმე კატის კლანჭებში ჩაგდებას. ეს მუქარა
საშინელ შიშის ზარს ჰგვრიდა ვასოს, — ყოველ ღამე მაგრა კეტა-
და თავის დანგრეულ ოთახის კარებს...

გავიდა ცხელი ზაფხული, დადგა შემოდგომა დიწყო, სიცი-
ვეები, წვიმიანი დღეები გახშირდა. ქარის ზუზუნიც ხშირათ ის-
მოდა.

ჩიტი-კი კარგათ, თბილათ იყო თავის ბუდეში, მას არაფერი
აფიქრებდა. ძალიან მალეც გაიზარდა. შემოდგომას მოჰყვა ცივი,
თოვლიანი ზამთარი და ზამთარი გაზაფხულმა გაისტუმრა.

გათბა ისევ ჰაერი, წელში გაიშალა დიდი და პატარა. ვასომაც
პირველათ გამოიყვანა ჩიტი გარეთ. უცებ, ერთი თვალის დახამამე-
ბაზე, ჩიტი ხელიდან გაუსხლტა და სადღაც გაჰქრა. ვასოს შიშისგან
თვალთ დაუბნელდა.

— ნუ თუ მართლა მომშორდა ჩემი მეგობარიო? მწუხარებით
წამოიძახა მან.

მაგრამ დიდხანს არ გასტანა მისმა დაღონებამ, აგერ შორს
გამოჩნდა ჩიტი, თან და-თან მოახლოვდა და უცებ ვასოს თავზე
დააფრინდა. ამ დღიდან ჩიტი ხშირათ დასეირნობდა თავისუფლათ
საითაც მოისურვებდა და თავის დროზე-კი მეგობართან ბრუნდებო-
და. ერთხელ ძალო სალომემ ნამეტანი ბევრი ამუშავა ვასო, რომე-

ლიც ისე დაილალა, რომ ფეხზე დადგომის თავი აღარ ჰქონდა და ჩვეულებრივზე ადრე დაწვა დასაძინებლათ. ოთახის ფანჯრის დახურვა სრულებით გადავიწყდა. ღია ფანჯრიდან უბერაედა გრილი ნიავი, პირ-და პირ თავ-პირში სცემდა, ამან ვასო მალე გამოაღვიძა. ყმაწვილი წამოხტა საჩქაროთ და მივიდა კალათასთან მეგობრის სანახავათ, მაგრამ ვაი მის გოცებას, რომ კალათა ცარიელი დახვდა! ამავე დროს მოისმა შორიდან მშვენიერი გალობა ბუღბუღისა; ბავში დაღონებული, დაძმარებული იჯდა ლოგინზე, ყურს უგდებდა გალობას, თან მდულარე ცრემლებს ღვრიდა. ის დარწმუნებული იყო, რომ კატა მოიტაცებდა ღია ფანჯრიდან მის საყვარელ ჩიტს. გაუტყდა ძილი საწყალ ვასოს, დარდიანი გამოვიდა გარეთ, ეზოში, და დაიწყო ფიქრი ისევ თავის ჩიტზე. გარშემო სიჩუმე იყო, ყველას—დიდს თუ პატარას, ტკბილი, მშვიდობიანი ძილით ეძინათ, მთვარესაც მოსწყენოდა მარტოობა და ისიც ნელ-ნელა დასაძინებლათ ემზადებოდა. შესწყდა წელანდელი ბუღბუღის გალობაც. უცებ რაღამაც დაიფრთხილა ვასოს ახლო და გამოჩნდა მისი ჩიტი.

— „ცოცხალია, ცოცხალი, სად იყავი აქამდის, ჩემო ჩიტო, რათ დამაღონე, რათ მალერევიანე ცრემლები“, ეუბნებოდა გახარებული ბავში თავის მეგობარს.

ჩიტმა რაღაც დაიტიკტიკა, თითქოს ბოდინში მოიხადა პატრონთან, შემდეგ აფრინდა, დაჯდა იქვე მახლობლათ ერთ ხეხილზე.. აკერ მოისმა ისევ მშვენიერი გალობა... ვასომ მხოლოთ ახლა გაიგო, რომ მისი საყვარელი ამხანაგი—მშვენიერი მგალობელი ბუღბუღი იყო.

მეორე დღით მეზობელმა ელისაბედმა უთხრა სალომეს, რომ წუხელის მის ბაღში ბუღბუღი მოფრინდა და მთელი ღამე გალობა არ შეუწყვეტია. ვასომ ვეღარ მოითმინა და ამაყათ წამოიძახა, რომ ის მგალობელი ბუღბუღი მისი მეგობარი იყო.

ერთ საღამოს ატყდა საშინელი ელვა და ჭექა-ქუხილი; ამას



მოჰყვა კოკის-პირული სხილი წვიმა. აღამიანმა თუ პირუტყვიმაც
ყველამ თავ-შესაფარი მონახა. ამ დროს ძალი სალომეს ქონთან
გაჩერდა ეტლი, საიდანაც საჩქაროთ გადმოვიდნენ მოხუცი ქალი და
პატარა ბავშვი, სწორეთ ვასოს ხნისა. ბავშვს ხელში მინდვრის ყვავი-
ლების თაიგული ეჭირა. გოცებული სალომე მიეგება მათ.

— არ შეიძლება შეგვაფაროთ თქვენთან ცოტახანს, ვიდრე წვი-
მა გადიღებდეს? — მიმართა ტკბილი ხმით მოხუცმა ქალმა სალომეს.

სახლის პატრონმა მაშინვე შეიწვია სახლში და გაუმასპინძლდა.
ვასო მორცხვი ხასიათის ბაღლი იყო. დაინახა თუ არა უცხოები, შე-
ვიდა თავის პაწია ოთახში და გამოსვლას აღარ აპირებდა. მაგრამ
მალე მოესმა სალომეს ძახილი, ადგა, გაისწორა თავისი დაგლეჯილი
ხალათი და თავ-ჩაღუნული გავიდა სტუმრებთან. მოხუცმა ქალმა
მიიყვანა თავისთან ვასო და მიელოცრა. შემდეგ მიუბრუნდა მასპინ-
ძელს და უთხრა: რა კარგი ბაღლი გყოლიათ, ხომ თქვენი შეი-
ლია?

— რა ბრძანებაა! — უპასუხა სალომემ, — ობოლია, ქვეყანაზე არ-
ვინ მოეპოვება, მე ავიყვანე, ვპატრონობ, ვაცმეფ და ვინახავ.

— გაიცანით, ბავშვო, ერთმანეთი! — უთხრა მოხუცმა ვასოს — ეს
არის ჩემი შეილი-შეილი, შენსავეთ ობოლია; ამის მეტი მეც არავინ
მყავს, მარტობას ჩივის ხშირათ და მთხოვს ხოლმე ეუშოვნო საუ-
მე ტოლი, რომ ამხანაგობა გაუწიოს. ხომ მართალია, ჩემო სანდ-
რო? — მიუბრუნდა ბებია შეილი-შეილს.

— მართალია, მართალი, საყვარელო ბებიავ, და აი ეს იქნება
ჩემი ამხანაგი, წავეყვანოთ ჩვენსა, — ამ სიტყვებით მოხვია ბავშვა ხე-
ლი ვასოს და მიუყვანა ბებიას.

— მე თანახმა ვარ, შეილო, წავეყვანოთ და შენთან ერთათ
ამასაც ვასწავლოთ წერა-კითხვა, შემდეგ სასწავლებელში მივაბა-
როთ.

ვასოს სახე გაუბრწყინდა ამ სიტყვების გავონებაზე, თავში სა-
სიამოვნო ფიქრებმა გაურბინეს ამ მომავალ ბედნიერებაზე. არა ერთ-

ხელ უნატრია ვასოს სკოლაში სიარული და სწავლა. რამდენჯერ საშურით გადუფლია თვალი სასწავლებელში მიმავალი ბავშვებისთვის, თვალი დარჩენია მათ ზურგზე წამოკიდებულ წიგნებით საესე აბგებზე და მწარეთ ამოუოხრია... ერთხელ სიზმარშიაც-კი ნახა, რომ სკოლაში მიებარებინათ და წერა-კითხვა დაეწყო; მეტის მეტი სიხარულით ტირიდა კიდევ... ძალო სალომეს-კი სკოლის ხსენებაც არ უნდოდა ვასოსთან. ახლაც მიუბრუნდა სტუმარს და უთხრა:

— არა, ქაობატონო, სკოლა რა ამის საქმეა, შინ უმისოთაც ბევრი საქმეები აქვს. მომავალი წლიდან უნდა მეცნეარეთ გავგზავნო.

— ძალიან სამწუხარია! — თქვა ბებია და შეხედა სანდროს, რომელსაც თვალები ცრემლებით ავესო ამ ღაპარაკზე.

ვასოც დაღონებული იდგა და ჯავრი მოსდიოდა თავის უგულო ძალოზე.

წვიმა სრულებით არ კლებულობდა და აღარც იმედი იყო გამოდარების. ბებიას სახლი-კიკარგა შორს იყო. ასე რომ სტუმრებმანება ითხოვეს — ღამეც აქ გაეთენებინათ და ასეც მოიქცენ... აგერ შუალამე გავიდა და წვიმამ მხოლოდ მაშინ გადილა; ღრუბლები გაიფანტენ, მთვარემ ამოაშუქა და მოწმინდილი ცაც ეარსკვლავებით მოიქცა. მოისმა ამ დროს სალომეს ბალიდან საამური გალობა ბუღბუღლისა, რამაც უცებ გამოაღვიძა მოხუცი სტუმარი. დიდი ხანი იყო მას აღარ გავგონა ეს ტკბილი ხმა, — წამოჯდა ქვემაგებში და სმენათ გადიქცა, თან თვალებიდან ცრემლები ღაპა ღუპით ჩამოსდიოდა. მას მოაგონდა თავისი სიყმაწვილე; ის დრო, როდესაც დაღმენჭილი პირისახის მაგიერ — ლოყები წითლათ უღვიოდენ, ქალარათმის მაგიერ შავი ხუჭუჭი თმა მხრებზე ჰქონდა გადაფენილი, ნაღელიანი გულის მაგიერ — მხიარული, უდარდელი გული ჰქონდა. რამდენი მწუხარება, რამდენი უსამართლობა გამოსცადა მან შემდეგ!..

— ბები, შენ ტირი მგონი! — მოესმა ამ დროს მას შეილი-შვილის ხმა; სანდრო სულ-განაბულა ყურს უკდებდა ბებიას მწარე ქეთინს.



საქართველოს
საქართველოს

— არა, შეილო, მე ყურს ეუგდებ ბუღბუღის გალობას; დიდი ხანია მას შემდეგ... მე პატარა ვიყავი და ჩვენ ბაღში, აი სწორეთ ასე ტკბილათ გალობდა ხოლზე ბუღბუღი, მას შემდეგ-კი აღარსად გამიგონია. დაიძინე, ჩემო კარგო, ნუ გაიფრთხობ ძილს!

ამ სიტყვებზე სანდრო მეორე გვერდზე გადაბრუნდა და განაგრძო თვისი ტკბილი, უღარდელი ძილი...

გათენდა დილა. მზემ ნამიანი ბალახი, ყვავილები და ხის ფოთლები საამურათ აბჭყყერიალა. ყველა სიხარულით მიეგება ამ მშვენიერ დილას. სალომეს ქობზიაც კარგა ხანია გამოილიქძეს. სტუმარ ქალს ისევე ყურში ესმოდა ბუღბუღის ტკბილი ხმა.

— წუხელი მთელი ღამე ბუღბუღის საუცხოვო გალობა მესმოდა! — უთხრა მასპინძელს მოხუცმა; — მისი დაჭერა რომ შესაძლებელი იყო, არ დავიშურებდი სამ თუმანს!

— ნუ თუ მართალს ბძანებთ, ქალბატონო, მაგას? — გაკვირვებით შეეკითხა სალომე.

— რასაკვირველია, მართალს ვამბობ! — მიუგო ბებიამ, — მე დიდი ხანია სურვილი მაქვს ბუღბუღი ვიშოვო, მაგრამ ისეთი, როგორც მე მინდა, ვერსად ვიშოვენ.

სალომემ ამ სიტყვებზე მიიხედ-მოიხედა, დაინახა, რომ ვასო იქ არ იყო და მიუბრუნდა სტუმარს:

— მე ხვალვე მოგიყვანთ იმ ბუღბუღს.

შუადღისას სალომეს სტუმრები წაივინდნენ შინ. ვასო ძალიან დაღონებული დარჩა; გული უჯდებოდა და თვალეებზე ცრემლები მოსდიოდა.

— რა გაღრიალებს, შე მუქთა-ხორა! — შეუბღვირა ბავშვს სალომემ.

— მე მინდა იმ კეთილ ადამიანთან წასვლა და წერა-კითხვის სწავლა! — უპასუხა ნელი ხმით, თავჩაღუნულმა ვასომ.

— რა მოგიგონია ეგ, შე უმსგავსო შენა, გიჩვენებ მე წიგნების კითხვას.

ამ სიტყვებზე მაგრათ ყურში ხელი წაველო და საწყალი ბავ-
ში თრევით წაიყვანა ბნელ სარდაფში, დაამწყვდია შიგ და კარები
გამოუკეტა. მერე დაიწყო ფიქრი, თუ როგორ მოამწყვდიოს და და-
იქიროს ვასოს ბუღბული. აგერ ფრინველი შემოფრინდა ვასოს
ოთახში იმ იმედით, რომ მეგობარს ნახავდა, მივალერსებოდა, მარა მის
მაგიერ ბოროტი სალომე დახვდა და იმის ხელში ჩაეარდა. სალო-
მეს სიხარულით ხელები აუკანკალდა, სამი თუმნის მიღების მოლო-
დინი დიდ სიხარულს აგრძნობინებდა. ჩასვა ბუღბული წინათვე და-
მზადებულ გალიაში და გულრიც დაიმშვიდა. პატარა ვასო-კი ბნელ სარ-
დაფში იჯდა და მისი ფიქრები სულ საყვარელ ბუღბულისკენ მიჰქრო-
დენ, ეს იყო ერთათ-ერთი მისი მეგობარი ღ ნუგეში, მხოლოდ მას შეს-
ჩივლებდა ხოლმე თავის დარღს და ნაღველს, მარტო მისგან ელოდა
თანაგრძნობას; თავის მეგობარს უამბობდა ძალოს უსამართლო საქ-
ციელს. ისიც მოუსმენდა ხოლმე და თანაგრძნობის ნიშნათ მას მხარ-
ზე დააჯდებოდა, ნისკარტს ტუჩებთან მიუტანდა და კბილებში ჩაუ-
კაკუნებდა!..

გავიდა ხანი და სალომემ გული მოიბრუნა, — ვასო ოთახიდან
გამოიყვანა. ბავში მაშინვე მეგობრის სანახავათ თავის ოთახში გაიქ-
ცა, მაგრამ კალათა ცარიელი დაუხვდა. მერე ტყისკენ წავიდა სა-
ძებნელათ, დიდხანს დარბოდა ტყეში, ბევრი ეძახა, ბევრი უშტვინა,
მარა პასუხი არაფერ ვასცა. დაღონებული, ჩაფიქრებული დაბრუნდა
სახლში, პოენის იმედი-კი კიდევ ჰქონდა. დაღამდა ეს დღე და გა-
თენდა მეორე, მაგრამ ბუღბულის ხსენება აღარსად იყო. ძალიან
დაღონდა ჩვენი ვასო, — მორთო გულ საკლავი ქვითინი; ახლა-კი
გრძნობდა, რომ მისი მეგობარი სამუდამოთ სადღაც გაქრა და
თავის-თავს ხელ-ახლათ დაობლებულს ხედავდა. რას იფიქრებდა ვა-
სო, რომ იმისი ძვირფასი მეგობარი ერთ მდიდრულათ მორთულ
სახლში იყო მშვენიერ გალიაში ჩამწყვდეული.

მას შემდეგ, რაც სალომემ სანდროს ბებიას ბუღბული მიჰგვარა



და მან-კი ვალიაში ჩასვა, — ფრინველს ხმა აღარ ამოუღია, გაუღია არც საგალობლათ და არც საქმელათ. ფრინველი სწუხდა დაკარგულ თავისუფლებას და პატარა მეგობრის დაშორებას. ბებიას გული მოსდიოდა სალომეზე, დარწმუნებული იყო, რომ მან მოატყუა, იმ ბულბულის მაგიერ, რომელიც ისე მშვენიერათ ვალობდა იმ ღამეს, — სხვა მიჰყიდა. დაიბარა სალომე რამდენსამე დღეს შემდეგ და უთხრა:

— წაიყვანე შენი მუნჯი ბულბული და დამიბრუნე ჩემი ფულები; ეს ის ბულბული არ არის, რომელსაც დამპირდი! — დაუმატა მრისხანეთ მოხუცმა.

სალომე მოჰყვა ტირილს, თან ფიცს, რომ თავისი ხელით დაიჭირა სწორეთ ის ბულბული; რომ ფულის დაბრუნება მას არ შეუძლია, რადგანაც დახარჯა კიდევ. ამას სალომე ტყუილს ამბობდა, — იმას სამი თუმნისთვის ერთი გროშიც არ მოეკლო, ძონძში მაგრათ გამოკრული ღამე თავით ეღო და დღე უბეში. ბებია-კი ერთსა და იმავეს იმეორებდა: წაიყვანე შენი ფრინველი, მე ჩემი ფული მომეციო. გაბრაზებული სალომე გამოვიდა ქუჩაში და თავის სახლისკენ გასწია. რამდენიმე ნაბიჯი გადადგა თუ არა, მოესმა უკან დან ფეხის ხმა. ეს იყო სანდრო, რომელმაც უცებ სალომეს კალთას ხელი წააელო და სიხარულით უთხრა: ბებია ამბობს, რომ თუ შენ ვასოს ჩვენ მოგვეცემ ყველაფერს გაპატრებს და შემდეგშიაც ყოველთვის დახმარებას გაგიწევსო. დიდხანს აღარ უფიქრია სალომეს, ამჯობინა ვასოს მიცემა, ვიდრე იმ ფულების დაბრუნება და საჩქაროთ უთხრა:

— კარგი, მაშ მოგიყვანთ ხელავე ყმაწვილს...

ძნელათ თუ წარმოიდგენს კაცი ვასოს სიხარულს, როდესაც მან დაინახა სანდრო და მისი ბებია და გაიგო, რომ იგი სამუდამოთ მათთან დარჩებოდა. მას სიხარულის ცრემლები გადმოსცივდა, გული სიამოვნებით აეგო. იმავე დღეს ვასოს თავი დაბანეს, გაასუფთავეს, საცვლები გამოუცვალეს, ახალი ტანისამოსი და ფეხსაცმელი

ჩააცვებს. ის თავის-თავს თითქმის ევლარ სცნობდა. პირველ ხანს, ვიდრე შეეჩვეოდა იკაურობას, რაღაც განცვიფრებით ათვლიერებდა დიდრონ ნათელ ოთახებს და მის მოწყობილობას, ამ სახლის პატრონებსაც როგორღაც ექვეით შეჰყურებდა. მაგრამ სანდრო და მისი ბებია ისეთი ალერსით ექცეოდნენ ვასოს, რომ მალე დაეიწყეს მას თავისი მიუკარებლობა. ერთ კვირას შემდეგ წიგნებიც უყიდე და სწავლა დააწყებინეს. ბავში ნიჭიერი იყო და ყველაფერს ადვილათ მიხვდა. ერთხელ ვასომ შეამჩნია ბებიას ოთახში ჩამოკიდებული გალია და შიგ რაღაც პატარა ფრინველი. დიდხანს უყურა შორიდან, ახლო ნახვა-კი ვერ გაბედა. ამ ფრინველის დანახვაზე მოაგონდა თავისი მეგობარი, ბულბული, და საშინლათ დაღონდა...

კვირა დღე იყო. ბებია ერთი თავისი ნაცნობი ქალის სანახავთ წაიდა, თან სანდროც წაიყვანა. ვასო-კი დარჩა შინ, აიღო მაშინვე წიგნი და გულმოდგინეთ შეუდგა გაკვეთილის შემზადებას. ამ დროს ბებიას ოთახიდან მოისმა ხმაურობა. ვასო წამოდგა და შევიდა საჩქაროთ იქ და დაინახა, რომ სანდროს დიდი კატა ფანჯარაზე ამხტარყო და გალიაში თათებს ჰყოფდა. ბავშმა კატა ძირს ჩამოაგდო, თითონ შეიხვდა გალიაში და რა დაინახა: მისი ძვირფასი პატარა ჩიტო-კი იყო შიგ!

— ჩემო მშვენიერო ბულბულო! — შეჰძახა გახარებულმა ვასომ. ფრინველმა გალიაში ხტომა იწყო სიხარულით; ხან ნისკარტს ჰყოფდა და ხან ფენს გალიიდან, თითქოს უნდოდა მისალმებოდა საყვარელ მეგობარს და ტყვეობიდან დახსნას ეხვეწებოდა. მოვიდნენ ბებია და სანდრო და დაინახეს გალიასთან მდგომარე ვასო. ბებიამ შუბლი შეიკრა და არა ჩვეულებრივი კილოთი ჰკითხა ვასოს:

— როგორ გაბედე შენ ჩემ ოთახში შესვლაო? — ბავშმა ტირილით უამბო თავისი ბულბულის თავ-გადასავალი. ამ ამბავს შემდეგ ბებიამ გაატანინა გალია გარეთ და გაულო ფრინველს კარები; შემდეგ მიუბრუნდა ვასოს და უთხრა:

— მე სრულებით არ ეიცოდი ის, რაც შენ მიამბე; აი, წაიდე



ახლა და დატკბეს თავისუფლებით, ის ძვირფასია ყოველი სულდგმულისთვის.

გახარებულმა ფრინველმა სწრაფათ გაშალა ფრთები და ერთ წამს თვალს მიეფარა...

— გახსოვს,— მიუბრუნდა უცებ ვასო სანდროს,— იმ დღეს მე და შენ ერთათ რომ ვკითხულობდით პატარა ლექსს „დედა-ენაში?“ „გუშინ გავუღე გალიის კარი ჩემს დატყვევებულს უცხო ფრინველსა, და ჩვეულებრივ სიმღერა მტკბარი მოჰგინა ეშხით ტყესა და ველსა“... ახლა ხომ ჩემი ბუღბუღი წინანდებურათ იწყებს სტენა-გალობას და ყოველ დღე და ღამ ბებიას ლოცვაში იქნება, რომ მან თავისუფლება დაუბრუნა.

— ხომ ვეღარ ნახავ თავი დღეში შენს ბუღბუღს?— უთხრა სანდრომ ამხანაგს.

— როგორ არა, — მიუგო ვასომ, — ის წშირათ გვესტუმრება ხოლმე და გალობას არ მოგვაკლებს; აბა წავიდეთ ბაღში და ეუდარაჯოთ.

გაიარეს ბაღისკენ და მართლა ცოტა ხანს შემდეგ ბუღბუღი მოფრინდა ბაღში და პირ-და-პირ ვასოს მხარზე დააჯდა. ამას შემდეგ ჩვენი მეგობრები აღარ დაშორებულან. ბუღბუღი ყოველ საღამოთი მოფრინდებოდა ხოლმე ბაღში, სადაც დახედებოდნენ მას სანდრო და ვასო, უსმენდნენ გალობას, ეაღერებოდნენ და დიდ სიხარულსა და სიამოვნებაში იყვნენ...

ქეთო ზარაფაშვილისა



აღადღ-მართობა.



რატორ მოგწონს, ვანო, ეს ლურჯი მანუ-
ლი? ჰკითხა ერთხელ მამამ შვილს.

ვანომ მანუდი უკუღმა გადააბრუნა და და-
უწყო შინჯვა, თავისი ზატარა თითები ერთ-
ხელ ორჯელ გადაუსვა და მერე მოიწონა.

— რათ გადააბრუნე, შვილო? შენ კაი ზირი უნახე, რას
დახერებინარ უკუღმა ზირს, უთხრა მამამ.

— მე იმიტომ ვშინჯავ უკუღმა ზირს, უზახუნა ვანომ,
რომ მე მსოფლიო მამის შემიკერენ ამისაგან ტანსაცმელს,
როცა შენ, მამავ, გაცუითავ. ამას წინეთაც დედამ შენი მან-
უდის ჩანსაცმელი უკუღმა გადააბრუნა და ისე შემიკერა.

— მართაღს ამბობს, მართაღს! მეორე ოთახიდან სი-
ცილით გამოიძახა დედამ. ის იქ მუშუს აჭმეჯდა ვანოს ზა-
ტარა მამს.

(ჩუხუღიდან)



ორი მხატვარი.



ველ დროს საბერძნეთის ქალაქ აფინაში ორი მხატვარი გადაიბრდნენ, რომლის მხატვრობა სჯობიათ.

ბოლოს გადასწევიტეს დაესტათ სურათები და საქვეყნოთ მოედანზე გამოეტანათ, რომ აფინელ ხალხს თვითონ გაესაჯარ რომელი სურათი აჯობებდა. კბი მხატვრობისთვის ამათ დააჯილდოებდენ დაფნის გვირგვინით და ფულით. ისეთი მხატვრობა უნდა წარმოედგინათ, რომ დასატული საგნები სინამდვილეს არ ჩამორჩენილიყვენ.

დანიშნულ დღეს ორივეს დასატული სურათები მოედანზე გამოიტანეს და აუარება ხალხი დაესია. ერთ სურათზე ისეთი სინამდვილით იყო დასატული უერძნის მტევნები, რომ ზედ ფრინველები სსდებოდენ მარცვლის ასაკენკათ: მეორე სურათზე გადაფარებული იყო წმინდა ლეჩაქი და იქიდან მოჩანდა ხალხი და სეები.

ქართული
ენის ინსტიტუტი

აფინელები აღტაცებაში მოვიდნენ დასატული უკრძანის
მტყუნებით, მერე მიუხსლოვდნენ მეორე სურათს და მსატ-
ყარს უთხრეს: «მონადე ეკ ფარდა და გვიჩვენე რა დაგინა-
ტავსო!» — ვერ ვასრულებ თქვენ თხოვნასო, უნასუსა მსატყარ-
მა, — რადგან თვითონ ეს მსატყარობა წარმოადგენს ფარდა
ჩამოფარებულ სურათსო.

ზირველმა მსატყარმა მოატყუა ფრინველები, მეორემ-კი
აჯობა იმითი, რომ თვით ხალხი მოატყუა.

აფინელებმა მეორე მსატყარო დასახეურეს ძვირფასი
დაფნის გვირგვინით.





ისტორიული აკროსტიხი.

(წამბადგენილი დ. თამაშვილისაგან).

საუკუნეთა განმავლობაში
 არ ღირსებია მას დასვენება,
 ქრისტეს რჯულისთვის იბრძოდა მარად, —
 ასეთი იყო ზენარსის ნება!
 რყევა და შფოთი მოსეულ მტერთგან,
 თაფლისთვის მოსულ ვით ბუზთა კრება...
 ვერ აიტანა, დაშერა... თქმულია:
 ერთხელ წყალსაც-კი დაეძინება!..
 ლომი კვლავ ლომობს, მის სიყვარული
 ოჰ, ბავშვო! ნურვის დაგავიწყდება!..

გ ა მ ო ც ა ნ ე ბ ი.

(წამოდგენილი სათავად-აზნაურთა სკოლის მოწაფე აჩილ გულისაშვი-
ლისაგან).

ზევიდანა წამოვიდა კაბა-კუბა ჭრელოსანი,
სუყველა მას დაედევნა ქვევითი და ცხენოსანი.

აბანოელი ბატები აბანოს ებანებთან,
მათი ნასროლი თოფები ხელმწიფეს ეკადრებთან.

ზეელის ძეგლების მნახველი ღეთისაგან დაარსებული,
კარჩხალებიდან ნაძრობი მთებშია გალაღებული,
მიიკლაკნ-მოიკლაკნება ვით ლომი გააფთრებული.
ის არს მოწაშე სუყველა ხალხის ავის და კარგისა
ამაღლების და დაცემის ტანჯვაში გაწრთენილ-ქართლისა.

ა ნ დ ა ზ ე ბ ი.

(წამოდგენილი კ. სესნიაშვილისაგან).

კუს რომ ჯოჯო არ აჰკიდებოდა
იქნება ჩაქჩაქი მაინც ესწავლა.

ჭაში ჩახედვით თავს ვერ დაინახავ.

ვირიდან ჩამოვარდნილს ცხენზე არ შეეჯდომებო.

ტკბილის ნაჩვევი მწარეს ვერ შეკამს.


ჩქარა გამოსაჯემელი.

(წამოდგენილი მისგანკე).

ნარწყავი მარწყვის მოწყვეტამ დანახვით გული მოწყვეტა.

უჯრების ამოცანა.

(წამოდგენილი აწილ გულისსჰვილისგან).



ამ უჯრებში ჩასვით შემდეგი ასოები რომ გამოვიდეს რომელიმე ქართული ანდაზა: ა, ხ, ს, ლ, გ, დ, ბ, ა, ვ, ი, ი, ა, ა, ხ, ე, ო, გ, ა, მ, მ, ე, ს, ო, ბ, ვ, ე, თ, მ, ე, ე, ა, ი, დ, ნ, რ.

რებუსი

(წამოდგენილი სათავადაზნაურო სკოლის მოწვეუ დიმიტრი დეკანოზი-შვილისგან).



ს



ნ

დიდი ხნის
პურს რა
ეკიდება



ს



მატლი
ანუ?

ს



№ X გამოცანებისა.

აკროსტიხი: ჯეჯილი.

გამოცანები: კულა, წურბელა, ირემი.

ზმა: საბანი, ბალიში, ხალიჩა.

მათემატიკური გამოცანა: 1) ხუშარა იჯდა სუფრის პირ.



ველ კუთხეზე, მეორე—ზემოდან. 2) თელა ხუმარისაგან პირველი კუთხიდან მეორე და მესამისაკენ.

არითმეტიკული ამოცანა: პირველ კალათში ყოფილა 11 ვაშლი, მეორეში 9 ვაშლი.


შარადა: თბილისი.

რებუსი: შენი თუ არა იხარჯებოდეს ღვინის ნურათუკრი გირჩენია.

რებუსი, შარადა და ორი არითმეტიკული ამოცანა გამოიცნო ახალციხის სამოქალაქო სასწავლებლის მოწაფემ გაბრიელ დიდიშაშვილმა.



თანახმათ მათი ყოველად უსამღვდელოესობის საქართველოს ეგზარქოსის დამტკიცებისა, თფილისის საეპარქიო რჩევამ, 17 ოქტომბერს, 1897 წ. გადაწყვიტა ქართული საეპარქიო უსურნალი „ჯეჯილი“ საქართველოს ეპარქიის სამრევლო სკოლებში მიღებულ იქმნას სახმარებლათ.



საქმაწვილო ნახატებიანი ყუთნალი



„ჯეჯილი“

წელიწადი შეკრებულა

გამოვა 1902 წელსაც თეში ერთხელ იმავე პროგრამით, როგორათაც აქამდის.

ქუთნალი „ჯეჯილი“ მიღებულია თუილისის საეპარქიო და კავკასიის ოლქის სამოსწაელო რწეეებისაგან სასწაელებლების სამკითხეელოებში საკითხაათ.

ქუთნალი „ჯეჯილი“ თუილისში დატარებით ღირს 4 მან. თუილისს გარეშე გაგზაენით 5 მან. ცალკე ნომერი 50 კაპ.

ხელის მოწერა შეიძლება მხოლოთ წლით და ნახეეარ წლით.

ხელის მოწერა მიიღება:

1) თუილისში — წერა-კითხეის გამ. საზოგადოების“ კანცელოარიაში (Дворцовая ул. д. Груз. Двор., № 101), და თეით „ჯეჯილი“-ს რედაქციაში (Артиллер. ул. № 5, возле Кадетского корпуса).

ფოსტის ადრესი: *Въ Тифлисѣ, въ редакцію грузинскаго дѣтскаго журнала „Джеджили“.*